


冊府元龜

三百七十四之六

百十三



三	一	五	漢
〇	二	三	書
〇	六	四	門
冊	架	函	類
		五	
		三	
		四	
		五	

三	五	漢
六	三	書
五	〇	類
函	冊	
架	號	
一	五	
〇	三	
〇	四	
〇	五	

內閣文庫	
番號	漢 5345
冊數	300 (113)
函號	365 6



冊府元龜



淮南李嗣京參閱



西極文翔鳳訂正

豫章黃國瑞較釋

將帥部 三十五

忠第五

唐戴休顏為鹽州刺史奉天之難休顏以所部蕃漢
三千號泣赴難及車駕南幸梁洋留守奉天及李懷
光叛據咸陽使誘休顏休顏集三軍斬其使嬰城自
守懷光大駭遂自涇陽夜遁尋拜簡轅工部尚書奉

冊府元龜 將帥部

卷之三十四

天行營節度使
韓游瓌爲李懷光部將掌兵在奉天懷光反於河中
乃與游瓌書約令爲變游瓌密奏之翌日懷光又使
趨之游瓌復奏間數日懷光又使趣游瓌爲門者所
捕懷光且宣言曰吾今與朱泚連和車駕當避錄是
帝遽幸梁州游瓌退於邠寧殺懷光畱后張昕以邠
州從順正授邠寧節度使

楊懷賓楊朝晟父也朝晟爲李懷光左廂兵馬使懷
光反於河中朝晟被脅在軍德宗幸梁洋游瓌退於
邠懷光以嘗在邠寧迫制如城以賊黨張昕在邠州

總後務所懼難作乃大索軍資徵卒乘約明潛歸於
懷光時懷賓爲游瓌將夜後以數十騎斬昕及同謀
者游瓌卽日使懷賓奉表聞奏帝召勞問授兼御史
中丞間詔至河中朝晟聞其事泣告懷光曰父立功
於幽子合誅戮不可主兵矣懷光遂繫之及諸軍進
圍河中韓游瓌營於長春宮懷賓身當戰伐懷光平
帝念其忠俾副元帥渾瑊特原朝晟遂爲游瓌都虞
候時父子同車皆爲開府賓客御史中丞

李晟爲神策軍兵馬使討朱滔於范陽德宗居奉天
詔晟赴難晟聞命西向而哭趣軍將行時義武軍間

於朱滔王武俊倚晟爲重不欲晟去數爲計以沮止晟軍晟謂將吏曰天子播越於外人臣當百舍一息死而後已張義武欲沮吾行吾當以愛子爲質選良馬以啗其意乃留子以爲憑婚義武軍有大將張孝忠甚信之因謁於晟晟乃解玉帶以遺之因曰吾欲西行願以爲別因陳難之意受帶者果德晟乃諫孝忠勿止晟晟得引軍踰飛狐師次代州詔加晟簡較工部尚書神策行營節度使李懷光叛德宗在梁州晟大將張少弘自行在傳曰詔授晟爲左僕射平章事以安衆心晟拜哭受命且曰長安宗廟所在爲

天下本若皆扈蹕誰復京師乃浚隍壁繕兵馬以誅泚興復爲已任後渾瑊部將上官望自間道懷詔書加簡較右僕射兼河中晉絳州節度觀察使尋簡較左僕射平章事益實封三百戶又兼京畿渭北鄜坊丹延節度觀察招討使晟受詔流涕因上表請帝駐蹕梁州彰億兆之心圖剪滅之勢儻陛下規小捨大作都岷岷人心少去武力謀臣無復施矣晟之鎮鳳翔也謂賓介曰魏徵能直言極諫致太宗於堯舜之上真忠臣也僕忻慕之軍司馬李叔度對曰此縉紳儒者之事非勲德所宜晟歛容曰行軍失言傳稱邦

有道危言危行今休明之期晟幸得備位將相心有不可忍而不言豈所謂有犯無隱知無不爲者乎是非在人主所擇耳叔度慙而退晟後罷兵權朝謁之外罕有過從有通王府長史丁瓊者亦爲張延賞所排心懷怨望乃求見晟言事且曰太尉功業至大猶罷兵權自古功高無有保全者國家儻有變故瓊願備左右狡兔三穴盍蚤圖之晟怒曰爾安得不祥之言遂執瓊以聞

王虔休本名延貴貞元中爲澤潞都虞侯節度使李抱真卒裨將元仲經等議立抱貞子緘軍中擾亂虔

休正色告於衆曰軍州是天子軍州將帥關合侍朝命何乃云云出異意軍中服從其言繇是竟免潰亂程日華少爲易定張孝忠牙將孝忠令知滄州事幽州朱滔合鎮冀王武俊謀叛二盜迭欲取滄州多遣人遊說又加兵攻圍日華俱不聽從乘城自固久之德宗深嘉之拜日華滄州刺史

韓弘貞元中代劉全諒爲汴州節度使先是陳許節度使曲環卒淮西節度使吳少誠將併有其地遂以兵寇許州求援於全諒全諒館其使會全諒卒弘初受寵命喜而效順卽斬其使以聞發兵三千助禁軍

以討少誠
張奉國本名子良貞元末爲徐州兵馬使張愔之難
子良以其衆千餘奔於浙西團練使王緯表加兼御
史中丞仍厚撫其軍士牙門百職子良必兼歷焉元
和二年秋節度使李錡叛命遣子良以兵三千收宣
州子良乃與錡甥裴行立及大將田少卿李奉仙等
密約圖錡反戈圍城大呼錡計窮縋下生致闕庭子
良殺其餘黨遂平浙右憲宗追赴京師親自褒慰擢
爲右金吾將軍兼御史大夫改名奉國賜第室良田
劉濼貞元末爲隴右經畧使暨順宗寢疾傳位於憲

宗稱太上皇有山人羅令則自京詣濼妄構異說凡
數百言皆廢立之事且矯太上皇詔請兵於濼濼立
命繫之鞠得奸狀令則又云某之黨多矣十月德宗
山陵約此時伺便而動濼械令則驛表上聞詔付禁
軍按問其黨與皆杖死濼復請自領兵護靈武以備
非常詔不許遣中使以名馬金玉繒錦錫之復錄其
功號其軍額曰保義
范希朝爲鎮武節度使貞元末累表請脩觀時節將
不以佗故自述職者惟希朝一人德宗大悅旣至拜
簡較右僕射兼右金吾衛大將軍

劉濟爲幽州節度使兩河擅自繼襲者尤驕蹇不奉命惟濟最務恭順朝獻相繼元和四年詔討王承宗諸軍未進濟獨率先以前軍擊破之生擒三百餘人斬首千餘級獻逆將於闕優詔褒之又爲詩四韻上獻以表忠憤之志

張茂昭爲義武軍節度使元和四年王承宗叛詔河東節度帥師洎河中振武偏師與茂昭合軍是爲北道茂昭創廐置開道路待軍俄屬正月之望軍吏請曰舊例上元後三夜不止行不闔里門今外道兵馬至請如軍令茂昭曰河東等三道官軍也焉得言外

道邪一如舊例自祿山之亂兩河繼爲沮命之地茂昭表請舉族歸闕以首率等夷隣封遊說者萬端而其志堅決累上疏求代帝許之命左庶子任迪簡爲其行軍司馬乘馬赴之卽以三郡之簿書管鑰符印全付迪簡遣其妻李氏及男克讓克恭等先焉將代戒之曰爾曹將侍親出易定後之子孫不爲風俗所染吾無恨矣時五年冬也道拜簡較太尉兼中書令克河中晉絳磁隰等州節度觀察等使

田弘正初名興爲魏博衙內兵馬使及田季安病篤其子懷諫幼騃乃召興署以舊職季安卒懷諫委政

於家僮蔣士則昔置不平人情不悅咸曰都知兵馬使田興可爲吾帥也衙兵數千人詣興私第陳情興拒門不出衆呼譟不已興出衆環而拜請入府署興頓仆於地久之度終不免乃令於軍中曰三軍不以興不肖令主軍務欲與諸君前約當聽命否咸曰惟命是從興曰吾欲守天子法以六州版籍請吏勿犯副大使可乎皆曰諾是日入府視事殺蔣士則十數人而已翌日具事上聞憲宗嘉之以爲魏博節度使賜名弘正弘正旣受節鉞乃上表曰臣聞君臣父子是謂大倫爰立紀綱以正上下其或子爲不子臣爲

不臣覆載莫可得而容幽明所宜其殛者也臣家本邊塞累代唐人從乃祖乃父以來沐文子文孫之化臣幸因宗族蚤列偏裨空馳戎馬之鄉不覩朝廷之禮惟忠與孝天與臣心嘗思奮不顧生以身殉國無繇上達私自感傷豈意命偶昌時事緣艱故白亦之下謬見推崇天慈遽臨免書罪戾朝章滉及仍委旌旄錫封壤於全藩列班崇於八座君父之恩已極絲毫之效未申所以覲厚知羞低回自愧是知功勞所著必候危亂之時傲倖之來却在清平之日循涯揣分冒寵爲憂伏以自天寶以還幽陵肇禍山東輿壤

悉化戎墟雖外一車書而內懷梟鏡官封代襲刑賞
自專國家含垢匿瑕垂六十載臣每思此當食忘味
若稍假大軍得奉神筭兼弱攻昧批吭擣虛竭鷹大
之資展擒獲之用導揚和氣洗滌偽風然後退歸丘
園以避賢路臣懷此志陛下察臣又臣每在軍中多
居偏鎮每遇奇計心實親之有布衣崔懽結茅王屋
但茹松栢不雜風塵與臣周旋頗有年歲自臣受命
惇然肯來臣遂請攝節度叅謀俾之奏事臣冒襟所
蓄書不盡言實異因人紆其積憤臣不勝感恩戴荷
懇苦之至謹差攝節度叅謀王屋山人臣崔懽謹奉

表陳奏以聞憲宗優詔褒美先是河北不申吏員興
乃奏管内州縣官二百五十三員内至百六十三員
見差官假攝九十員請有司注擬從之

烏重胤爲潞州諸將會盧從史奉詔討賊嘗懷異志
潛與王承宗通連吐突承瓘以神策軍行營與從史
對壘將圖之重胤通其謀竟縛從史於帳下時重胤
職總牙門是日戒嚴其軍莫敢動者事聞朝廷擢重
胤自都將兼州左司馬拜懷州刺史兼御史大夫河
陽三城節度

李光顏爲忠武軍節度使元和中徵天下兵環申蔡

而討吳元濬詔光顏以本軍獨當一面連破賊衆韓弘爲汴帥驕矜嶮疆嘗倚賊勢索朝廷姑息耳要諸將士力戰陰圖撓屈計無所施遂據大梁城求得一美婦人教以歌舞絃管六博之藝飭之以珠翠金玉不服之具計費數百萬命使者送遺冀光顏一見悅惑而怠於軍政也使者卽齎書先造光顏壘曰本使令公德公私憂公暴露欲進一妓以慰公征役之思謹以候命光顏曰今日已暮明旦納焉詰朝光顏乃大宴軍士三軍咸集命使者進妓妓至則容止端麗殆非人間所有一座皆驚光顏乃於座上謂來使曰

令公憐光顏離家室久捨美妓見贈誠有以荷德也然光顏受國恩沐誓不與逆賊同生日月下今戰卒數萬皆背棄妻子蹈白刃光顏奈何獨以女色爲樂言訖涕泣嗚咽堂下兵士數萬皆感激流涕乃厚以縑帛酬其來使俾領其妓自席上而回乃謂使者曰爲光顏多謝令公光顏事君許國之心死無二矣自此兵衆之心彌加激勵

李吉甫元和中爲淮南節度使在揚州每有朝廷得失軍國利害皆密疏論列

嚴綬爲河東節度使元和中楊惠琳叛於夏州劉闢

叛命綬表請出師討伐悉選精銳付其將李光顏討賊李鄴元和中爲淮南節度使及王師征淮夷鄴寇李師道表衷相援鄴發楚壽等州二萬餘兵壓賊境日費甚廣未嘗請於有司李夷簡元和中爲襄陽節度使先是貞元中淮西阻兵詔以漢西實當控壓遂移江西兵五百人戍襄陽調給仰於度支其後逃死且盡而歲不減夷簡請曰人臣以誠事君當在無隱循舊專利孰云不欺乃以其事上聞歸之於有司

王承元成德軍節度使承宗之弟元和中承宗奏承元兼監察克鎮冀深趙觀察度支使承元年未及冠勸承宗以二千騎佐王師平李師道十五年承宗卒未發喪大將謀取帥於旁郡時叅謀崔燧密與握兵者謀乃以祖母涼國夫人之命告親兵及諸將使拜承元承元拜泣不受諸將請不已承元曰天子使中貴人監軍有事盍與議也及監軍至因以諸將意贊之承元謂將曰公不忘先德不以承元齒少且使領軍承元欲效忠於國以奉先志諸公能從之乎諸將許諾遂於衙門都將所理事約左右不得呼畱後事

大小必叅決於監軍密疏請帥詔授簡較工部尚書
鄭滑節度觀察使時隣境或以兩河近事諷之承元
不聽諸將亦悔及起居舍人柏耆齎詔至宣朝廷之
命兵士或拜或泣承元與柏耆於館中復召諸將坐
語諸將益號泣喧譁承元曰諸公以先人之德不欲
承元去此意甚厚然奉詔遲留不去卽罪矣前者李
師道未破時議赦其罪師道欲行諸將止之佗日殺
師道亦諸將也今公輩復欲爲師道之事手敢以拜
請遂拜諸將皆泣涕不能對承元乃盡出家財
籍其人以散之酌其勤者擢之部將李寂等數十人

固留承元承元斬寂等軍中始定承元出鎮州時年
十八所從將吏有具器用貨幣而行者承元悉使留
之承元昆弟及從父昆弟因爲郡守者四人登朝者
四人從事將較有勞者皆擢用未幾改鄜坊丹延節
度觀察等使便道請覲穆宗泝器之數召顧問又改
授鳳翔隴州節度觀察等使

劉總元和中爲幽州節度使總累代據有燕薊軍中
食其恩而未嘗承朝廷命長慶元年總以幽州歸朝
爲兵士遮留總殺其首謀十餘輩夜委兵符於監軍
判官從間道去遲明軍中方覺

李遜為陳許節度使長慶初穆宗方銳意討賊諸道發兵例於度支貸借惟遜出兵率先諸道賞賜犒設備於當軍朝論美之

田布長慶元年為涇原節度使其秋鎮州兵亂布父弘正被殺朝廷以李勣疾不能軍無以扞庭湊之亂且以魏州田氏舊衆乃疾徵布使起復為之節度仍遷簡較工部尚書詔布乘急傳之鎮布喪服居聖室去節旄導從之飭及入魏州處喪視事動皆得禮其祿俸月入百萬一無所取又籍魏中家之舊產無巨細計錢十餘萬貫皆出之頒齎軍士乃選其將吏靈

誠為先鋒兵馬使以憲誠前出已麾下必能輸竭故盡以精銳付焉是時屢有中使齎詔促其進兵至十月布遂以全軍三萬七千出抵賊之冀州南宮縣十一月進軍下賊二柵而魏人怯於格戰且以寒雪饋餉不給師無鬪志憲誠故嘗懷二心從而間之俄有詔分布軍與李光顏合勢東救深州其衆因大潰多為憲誠所有布提兵八千以是月十日還魏州十一日會諸將復議出師而將卒益驕惰皆曰尚書能行河朔舊事則生死從之若使戰皆不能也布自度其下終不為用歎曰功無成矣即日密表陳軍情且

稱遺表曰臣觀衆意終負國恩臣既無功敢忘卽死
伏願陛下速救光顏元翼不然者義士忠臣皆爲河
朔屠害奉表號哭拜其從事李石乃入啓父靈抽刃
刺心曰上以謝君父下以示三軍言訖而絕時議以
布才雖不足能以死謝家國心志決烈得燕趙之古
風云不元翼本趙人代爲鎮州將較玉承宗叛命之際元
翼嘗爲謀主數將兵窘王師後王庭湊殺田弘正朝
廷以元翼本與庭湊等列遂用爲節度時元翼在泜
州爲庭湊所圍轉急後與數騎突圍而出詔以爲襄

州節度使庭湊於後庭鳩殺深州將士其中大將十
六人判官一人本與元翼同休戚一旦皆被殺元翼
悲咤慷慨而卒其所賜宅僮馬等並遺表進之
李載義長慶中爲幽州裨將時節度使朱克融死其
子延嗣竊襲父位不遵朝旨虐用其人載義遂殺延
嗣數其罪以上聞敬宗嘉之拜簡較戶部尚書封武
威郡王克幽州盧龍等軍節度觀察等使未幾李同
捷據滄景以要襲父爵載義上表請付同捷以自効
帝嘉其誠懇特加簡較右僕射累破賊軍以功加司
空又奏故節度使張弘靖賓吏家屬凡一百九十人

今並送赴京闕初弘靖立節范陽及軍亂被拘其副
介已下多見戕害妻女輩從而拘繫既而朱克融疆
邊符節復留之不遣至載義去逆效順盡歸其孥至
於臧獲下輩一無所留

殷侑爲天平軍節度鄆曹濮觀察等使自元和末收
復李師道十二州分爲三鎮朝廷務安反側征賦所
入盡留贍軍貫緡錢帛不入王府侑以軍賦有餘賦
不上供非法也乃上表起太和七年請歲供兩稅推
酒等錢十五萬貫粟五萬石詔曰鄆曹濮等州元和
已來地本殷實自分三道十五餘年雖頒詔書竟未

供賦殷侑承兵戈之後當歉旱之餘勤力奉公謹身
守法纔及周歲以致阜安而又體國輸忠率先入貢
成三軍奉上之志陳一境樂輸之心尋省表章良用
嘉歎尋就加簡較右僕射

王景崇廣明中爲鎮州節度使時僖宗西幸屈節僞
廷者十三四景崇斬其賊使梟首於市時有邸吏齎
僞詔至斬之因問路馳誠繼達行在都統王鐸徵要
者必竭利器奇貨駿蹄以助之錄是赴難者爭先每
議及國朝宗廟陵園未嘗不漉然慷慨

梁王師範初仕唐天復元年爲青州節度使其年冬

李茂貞劫遷車駕幸鳳翔韓全誨矯詔加罪於太祖
令方鎮出師赴難詔至青州師範承認泣下曰吾輩
天子藩籬君父有難畧無奮力者疆兵自衛縱賊如
此使上失守宗祧危而不持是誰之過吾今日成敗
以之乃發使通楊行密遣將劉鄩襲兖州別將襲齊
隸時大祖方圍鳳翔師範遣將張居厚部輿夫二百
言有獻於太祖至華州東城守將婁敬思疑其有異
剖輿視之乃兵仗也居厚等因大呼殺敬思聚眾攻
西城時崔喬在華州遣部下閉關距之遂遁去是日
劉鄩下兖州河南數十郡同日發太祖遣朱友寧討

之

孫揆大順元年除昭義軍節度使以本軍取刁黃嶺
路赴任太原將李存孝偵知之引騎三百伏於長子
縣崖谷間揆建衙持節褒衣大蓋擁衆而行存孝突
出谷口遂擒揆及中使韓師範并將較五百人存孝
械揆等以組練繫之環於潞州遂獻於武皇武皇謂
揆曰公縉紳之士安然徐步可至達官何用如是揆
無以對令繫於晉陽獄武皇將用爲副使使人誘之
揆言不遜遂殺之

趙凝唐末爲襄州節度使弟明爲荆南畱後是時唐

室微弱諸道嘗賦多不上供惟疑昆仲雖彊據江山然盡忠唐室貢賦不絕太祖將期受禪以疑弟兄並據藩鎮乃遣使先諭旨焉疑對使者流涕答以受國恩深豈敢隨時妄有佗志使者復命太祖大怒天祐二年秋七月遣楊師厚率師討之疑以兵數萬逆戰大爲師厚所敗乃燔其舟單舸沿漢遁於金陵後卒於淮南

牛存節開皇四年爲鄆州節度使夏中病渴至病屬河北用軍末帝令率軍屯陽畱以張大劉鄩之勢存節忠憤彌篤未嘗言病料敵治戎旦夕愈勵病革詔

歸汝陽翌日而卒將終屬其子知業知讓等以忠孝言不及他深爲時所重而木彊忠厚有賈復之風楊師厚爲魏博節度使時庶人友珪篡逆末帝將圖之遣使謀於師厚師厚深陳欵效且託書於侍衛軍使袁象先及主軍大將又遣都指揮使朱漢賓率兵至滑州以應禁旅友珪旣誅末帝卽位於東京首封師厚爲鄴王加簡較太師中書令

王彥章爲澶州刺史先鋒馬步都指揮使貞明五年三月朝廷議割魏州爲兩鎮慮魏人不從遣彥章率精騎五百人入鄴城駐於金波亭以備非嘗是月二

十九日夜魏軍作亂首攻彥章於館舍彥章南奔七月晉人攻陷澶州彥章舉家陷沒後唐莊宗遷其家於晉陽待之甚厚遣細人間行誘之彥章即斬其使以絕之後莊宗至鄆州彥章為唐將李紹奇所擒為夏魯奇所擒彥章恃其麤暴每謂人曰晉王鬪鷄小兒彼何足畏至是見擒素憐其勇悍欲全活之令中使宣詔慰撫欲觀其心對曰臣比自匹夫朱氏拔擢位居方面與皇帝十五年抗衡今日兵敗力窮罪有嘗分皇帝縱垂矜宥臣何面目見人舉鼓徇師得死為幸帝令牀舁隨軍至任縣彥章言所傷楚痛因乞遲留

遂令斬之

一云莊宗欲留之彥章曰安有為將兼相朝事梁而暮事晉臣所不為也得就缺鉞其之如薺莊宗知不可屈遂殺之以成其志

後唐薛志勤為武皇河東右都押衙先鋒右軍使從武皇救陳許平黃巢武皇遇難於上源驛汴將楊彥洪連車樹柵遮絕巷陌時騎從皆醉宴席既闌汴軍四面攻傳舍志勤虓勇冠絕復酒膽激壯因獨登驛樓大呼曰朱僕射負恩無行邀我司空圖之吾三百人足以濟事因彎弧發射矢無虛發汴人斃者數十志勤私謂武皇曰事急矣如至五鼓吾屬無類矣可速行因扶武皇而去雷雨暴猛汴人扼橋志勤以其



屬血戰擊敗之得侍武皇還營

史敬思爲武皇先鋒都督從人關破黃夔安三輔平
陳蔡敬思嘗爲騎將挺身酣戰勇冠三軍當武皇上
源之難敬思方大醉從者喻之蹶然而起登驛樓控
弦射賊矢不虛發汴賊橫屍樓下旣而遇雨解圍翼
武皇登尉氏門敬思迷墜擁門故陷賊武皇還營流
涕久之

符習爲義寧軍節度使有器度性忠壯自莊宗

汾河戰守習嘗以本軍從心無顧望諸將服其爲人
石君立初隸李嗣昭爲牙較歷典諸軍嗣昭出征嘗

爲前鋒天祐十七年將兵屯德勝時汴軍自滑州轉
餉以給楊村砦莊宗親率騎擊虜深入虜騎圍之數
十重良久不解嗣昭號泣赴之與立翼莊宗而還

裴約爲潞州節度使李嗣昭卒子繼韜濂昭義叛同
光元年莊宗遣李紹斌以甲士五千援澤州初繼韜
叛歸賊庭也約以兵戍澤州召州民泣而喻之曰予
事先君已餘二紀每見分財享士志在平讐不幸薨
沒壯心不遂今郎君不臣定覆家族父喪未葬違背
君親縱然賊首開懷久遠終被誅滅予可剗办自殺
不能送死與人衆皆感泣伏其忠義僞梁以董璋爲

澤州刺史率衆攻城約拒守間道告急帝知其言善
謂諸將曰朕與繼韜何薄裴約何厚裴約能分逆順
不附賊黨昭嗣一何不幸生此鴟梟乃顧謂李紹斌
曰爾識機便爲我取裴約來朕不藉澤州彈丸之地
紹斌自遼州進軍未至城陷約被害帝聞嗟痛久之
李存審爲橫海軍節度使天祐十三年冬存審破楊
劉進營麻口爲都營使築壘以拒汴人時莊宗勇於
接戰每以輕騎嘗賊遇窘數四存審凌旦俟其出必
叩馬泣諫曰王將復唐宗社宜爲天下自愛寒旗挑
戰一劍之任無益聖德請責效於臣昔耿弇不以賊

遺君父臣雖不武敢不代君之憂帝卽時廻駕

張全義初仕梁爲天下兵馬副元帥莊宗至雒言事
者以梁祖與我世讐宜斲棺燔柩全義獨上章申理
議者嘉之

周德威性忠孝感武皇獎遇嘗思臨難忘身乾寧中
爲鐵林軍使從武皇討王行瑜有功後內衙軍副及
莊宗初立德威外握兵柄頗有浮議內外憂之德威
旣至單騎入謁伏靈柩哭哀不自勝繇是群情釋然
後以功授盧龍軍節度使時天祐十五年下揚劉城
莊宗大悅諸將渡河趨汴徵德威進師討之將起德

威以爲不利深入是夜鎮星犯文昌上將臨戰德威軍爲輜重所擾父子躍馬出與賊數百騎血戰而死帝會諸將相向流涕曰不聽老將之言竟至破敗父子俱沒深所悲惜命以喪歸晉陽帝卽位追贈太師李存賢爲慈州刺史天祐十八年莊宗令將兵援河中十九年賊將段凝率衆五萬營於臨晉將寇河中蒲人物議同異威欲歸汴奸人間於存賢云河府兵欲殺子以歸梁存賢曰予奉君命來援死王事無恨尋汴兵亦退

姚洪本梁之小較也在梁時經事董璋長興初率兵千人戍閬州璋叛領衆攻閬州璋密令人誘洪洪以大義拒之及璋攻城洪悉力拒守者三日禦備旣竭城陷被擒璋謂曰爾頃爲徒兒繇吾獎拔至此吾書誘諭投之於厠何相負邪洪大罵曰老賊爾爲天子鍾帥何苦反邪爾旣孤恩背主吾與爾何恩而云相負爾爲李七郎奴掃馬糞得一齧殘炙感恩無盡今明天子付與茅土貴爲諸侯而驅徒結黨圖爲反噬爾本奴才則無耻吾忠義之士不忍爲也吾可爲天子死不能與人奴苟生璋怒令軍士十人持刀割其膚然鏤於前自取嚼食洪至死大罵不已明宗聞

之泣下置洪二子於近備給賜甚厚
王思同閔帝應順元年爲京兆尹兼西京留守時潞
王鍾鳳翔與之隣境及潞王不稟朝旨致書於秦涇
雍梁邠諸帥言賊臣亂政屬先帝疾篤謀害秦王迎
立嗣君自擅權柄以至殘害骨肉搖動藩垣懼先人
基業忽焉墜地故誓心入朝以除君側事涇之後謝
病歸藩然藩邸素貧兵食俱困欲希國士共濟艱難
乃令小伶安十十以五絃謁見思同因勸諫諷又令
軍較宋審溫者請使於雍若不從命卽獨圖之又令
推官郝詡府吏朱延乂以書檄起兵會副部署藥彥

稠至方宴而妓使適至乃繫之於獄彥稠請誅審溫
拘送詡赴闕時思同已遣其子入朝言事朝廷嘉之
乃以思同爲鳳翔行營都部署起軍營於扶風三月
十四日與張虔釗會於岐下梯衝大集十五日進攻
東西關城城中戰備不完然死力禦扞外兵傷夷者
十二三二十六日復進攻其城潞王登陴泣諭於外聞
者悲之張虔釗性褊詰旦西面用軍與都監皆血刃
以督軍士軍士齊詬反攻虔釗虔釗躍馬避之時羽
林指揮使楊思權引軍自西門先入降從珂而思同
未之知猶督士登城俄而嚴衛指揮使尹暉呼曰城

西軍已入城受賞矣何用戰邪軍士解甲棄仗之聲
振動天地日午亂軍畢入涇州張從賓邠州康福河
中安彥威皆遁去十七日思同與藥彥稠萇從簡俱
至長安劉遂雍閉關不內乃奔潼關二十二日潞王
至昭應前鋒執思同來獻王謂左右曰思同計乖於
事然盡心於所奉亦可嘉也顧謂趙守均曰思同爾
之故人可行迓之於路達予撫慰之意思同至潞王
讓之曰賊臣傾我家國殘害骨肉非子弟之過我起
兵岐山蓋誅一二賊臣耳爾何首鼠兩端多方誤我
今日之罪其可逃乎思同曰臣起自行間受先朝爵

命擁旄仗鉞累歷重藩終無顯效以咎殊過臣非不
知攀龍附鳳則福多扶衰濟弱則禍速但惟瞋目之
後無面見先帝蒙鼓膏原繫囚之嘗分也潞王爲之
改容徐謂之曰且宜懟歆潞王欲宥之而楊思權之
徒耻見其面屢啓於劉延朗言思同不可畱慮失士
心又潞王入長安時尹暉盡得思同家財及諸妓女
故尤惡思同與劉延朗亟言之屬潞王醉不待報殺
思同并其子德勝潞王醒召思同左右報已誅之矣
潞王怒延朗累日嗟惜之

趙鳳爲荊州節度使明宗厭代潞鄂構難俄聞鄂王

出奔鳳流涕集賓佐軍較曰王上播遷渡河而北吾輩安坐不赴奔問於理可乎軍較曰惟公所使尋聞王弘贄殺鄂王左右留王衛州又得清泰檄書而止張敬達未帝清泰中從晉高祖爲北面兵馬副總管仍屯兵鴈門未幾晉高祖建義末帝詔以敬達爲北面行營都招討使仍便委引部下兵圍太原以定州節度使楊光遠副焉尋統兵三萬營晉安鄉末帝自六月有詔促令攻取敬達設長城連柵雲梯飛礮使工者運其巧思窮土木之力時督事者每有所爲城柵則暴風大雨平地水深數尺而城柵摧墮竟不能

合其圍九月契丹軍至張敬達大敗晉高祖與蕃衆期迫一夕而圍合自晉安營南門之外長百餘里闊五十里布以氈帳用毛索懸之銅鈴而部伍多備犬以備警急營中嘗有夜遁者出則犬吠鈴動跬步不能行焉自是敬達與麾下雜部曲五萬人馬萬匹無繇四奔但見窮廬如岡阜相屬諸軍相顧色如死灰始則削木篩糞以飼其馬日望末帝救軍及馬漸羸死則與將士分而食之馬盡食殫副將楊光遠次將安審琦知其不濟勸敬達宜蚤降以求自安之計敬達曰吾受恩明宗位歷方鎮王上授我大柄而失

律如此已有愧於心也今救軍在近旦暮雪耻有期諸公何相迫邪待勢窮則請殺吾携首以降亦未爲晚光遠與審琦知敬達意未決恐坐成魚肉遂斬敬達以降末帝聞其歿也愴久之虜主戒其部曲及漢之降者曰爲臣當如此人乃令部人收葬之晉萇從簡初仕後唐爲金州刺史閔帝應順初舉軍討鳳翔從簡亦預征行軍變乃東還道遇張廷蘊爲廷蘊所縛送於洛王潞王數之曰人皆歸我汝何偏攻我城而背我也從簡曰事主不敢忘今日死生惟命是聽潞王釋之

張朗初爲代州刺史又改行營諸軍馬步都虞侯高祖建義於太原遣使以書諭之朗曰爲人臣而有二心可乎乃斬其使

高漢筠仕後唐爲金吾將軍清泰末高祖建義朝廷詔遣晉州張敬達屯於太原委漢筠巡撫其郡俄以漢筠爲契丹所敗敬達繼死之節度副使田承肇率部兵殺閤門使王彥通於公館次攻漢筠於府署漢筠乃啓閔延承肇謂曰僕與子俱承朝寄而相迫何其甚承肇曰我欲扶公爲節度使漢筠曰老夫耄矣不敢首爲亂階死生任子籌之承肇目左右令前諸軍

投亦於地曰高金吾累朝宿德不可枉殺肇以衆意難拒遂謝云與公戲耳漢筠遂促騎以還高祖入雒飛詔往徵遇諸途及入覲高祖曰朕恐倉卒之際濫致傷害今見卿面深所喜也尋遷左騎衛大將軍內各省使

馬全節授鎮州節度使屬契丹侵軼封疆加之蝗旱國家所徵發全節朝受而夕行治生餘財必克貢奉皇甫遇爲河陽節度使少帝卽位赴闕開運二年虜南寇遇戰於鄆州兆津大捷虜溺死者步騎數千人以功領節滑臺三年虜長率衆屯邙鄆遇與騎將安

審琦慕容彥超禦之遇渡漳河虜前鋒大至遇引退轉鬪二十里至鄴南榆林店遇謂審琦等曰彼衆我寡走無生矣遂自辰及未血戰百餘合所傷甚衆遇所乘馬中鏑而斃遇有紀綱杜知敏以馬授遇遇得馬復戰久之稍解顧杜知敏已爲虜所獲謂彥超曰知敏蒼皇之中以馬授我義也安可使陷戎賊中遂與彥超躍馬取知敏而還胡騎壯之俄而生軍復合遇不能解時審琦已至安陽河謂首將張從恩曰皇甫遇未至必爲虜騎所圍若不急救則成擒矣從恩曰虜原至衆無以枝梧將軍獨往何益審琦曰成敗

命也設若不濟與之俱死假令賊不南來失此一將將何面目以見天子遂率鐵騎北渡赴之虜見塵起謂救軍併至乃引去遇與彥超中數鎗得還時諸軍歎曰二人皆猛將也朝廷累加至簡較太師同中書門下平章寧四年虜復至從杜重威營寧水重威送款遇不與其議及降心卒卒之時耶律氏欲遣遇先入汴辭之推張彥澤督其行遇私謂人曰自我身荷國恩位兼將相既不能死於軍陣何顏以見舊主更命圖之所不忍也明日行及趙郡平棘縣遇泊其公舍顧從者曰我已信宿不食疾甚矣主辱臣死無復

南行因絕吭而殞遠近聞而義之

周王重喬初仕後唐莊宗爲廳直將從征河上晉契丹直帝有急難力救解之

册府元龜

淮南李嗣京叅閱
 西極文翔鳳訂正
 豫章黃國琦較釋
 將帥部 三十六
 褒異
 夫褒勸之典有國之嘗道也况夫三軍之帥百夫之
 特有斬將搃旗之勇却敵捕虜之勞足以經武貞帥
 開地斥境何嘗不剖符疏壤厚封崇之命疇庸贊書
 極尊獎之數以至加地進祿稱功計伐或錫之車服

册府元龜

淮南李嗣京叅閱

西極文翔鳳訂正

豫章黃國琦較釋

將帥部

三十六

褒異

夫褒勸之典有國之嘗道也况夫三軍之帥百夫之
 特有斬將搃旗之勇却敵捕虜之勞足以經武貞帥
 開地斥境何嘗不剖符疏壤厚封崇之命疇庸贊書
 極尊獎之數以至加地進祿稱功計伐或錫之車服

或加之印綬或許其世襲或崇其官呼或沒而可稱
 禮光於詔塋或死而可作事美於追榮皆所以疇勞
 而勸能賞善而旌德使效節之士罄其精忠方來之
 人於焉激勵傳曰藏在盟府不可廢也謂是物矣夫
 周召公虎為卿士平淮夷宣王賜以鬯酒一尊使以
 祭其宗廟告其先祖故江漢之詩曰釐爾圭瓚柅鬯
 一占告於文人釐賜也柅默黍也鬯香草也築煮合而鬯之為鬯占器也九命賜圭瓚柅
鬯文人文德之人也又曰錫山川土田於周受命自召祖命周也自用也宣王欲尊顯召虎故如岐周使虎受山川土田之賜命用其初召康公受封之禮岐周周之所起為其先祖之畫故就之

申伯居謝宣王命召公營其位而作城郭及寢廟定
 其神位所處故崧高之詩曰申伯之功召伯是營有
 俶其城寢廟既成俶作也又曰既成藐藐王賜申伯四
 牡躑躑鈞膺濯濯藐藐美貌躑躑壯貌鈞膺樊纓也濯濯光明也召公營位築之已成
以形貌告於王王乃賜中伯為將遣之王遣申伯路車乘馬我圖爾居
 莫如南土乘馬四馬也王以正禮遣申伯之國故復有車馬之賜因告之曰我謀女之所處無
如南土錫爾介圭以作爾寶寶瑞也圭長尺二寸謂之最善
為寶諸侯之瑞圭自九寸而下
 衛武公初為武侯大戎為亂武公將兵徃征乎戎甚
 有功周平王元年命衛侯為公

冊府元龜 將帥部

卷之三百七十五

士會晉大夫也帥師滅赤狄晉侯請於周定王王以
黻冕命士會將中軍且為太傅代荀林父將中軍且
加以太傅之官黻冕

命卿之服太
傅孤卿也

秦蒙恬始皇時為將攻齊大破之拜為內史

漢陳平為護軍中尉從高帝擊韓王信於代至平城
為匈奴圍七日不得食高帝用平奇計使單于闕氏

音焉
支

解圍以得開高帝既出其計秘世莫得聞高帝

南過曲逆上其城望室崖甚大曰壯哉縣吾行天下
獨見雒陽與是耳顧問御史曲逆戶口幾何對曰始
秦時三萬餘戶間者兵數起多亡匿今見五千餘戶

於是詔御史更封平為曲逆侯盡食之平自初從至
天下定後嘗以護軍中尉從擊臧荼陳豨黔布凡六
出奇計輒益封邑

曹參沛人也高祖為沛公參以中涓從

涓潔也言其
在中主知潔

涓酒掃之事蓋
親近左右也

擊胡陵方與

音房
豫

攻秦監公軍大破

秦一郡置守
尉監三人

東下薛擊泗水守軍薛郭西復攻胡

陵取之賜爵七大夫又攻下邑以西至虞擊秦將章

邯車騎攻轅戚及亢父

音杭
甫

先登遷為五大夫楚懷

王以沛公為碭郡長將碭郡兵於是乃封參執帛

楚
爵

也孤卿號曰建成君遷為戚公又虜秦司馬及御史各

一人遷為執珪侯伯及沛公為漢王封參為建成侯

從至漢中遷為將軍參將兵守景陵三秦使章平等

攻參出擊大破之賜食邑於寧秦今華陰

周勃沛人也沛公初起勃以中涓從攻胡陵下方與

方與反與戰却敵攻豐擊秦軍碭東還軍留及蕭復

攻碭破之下下邑先登賜爵五大夫沛公為漢王漢

王賜勃爵為威武侯從入漢中拜為將軍還定三秦

賜食邑懷德又東定楚地泗水東海郡凡得二十二

縣還守雒陽櫟陽賜與穎陰侯共食鍾離以將軍從

高祖擊燕王臧荼破之易下所將卒當馳道為多高當

行賜爵列侯剖符世世不絕食絳八千二百八十

十戶

樊噲以舍人從高祖攻胡陵方與皆縣各方音還守

豐擊泗水監豐下破之泗水郡各監謂御史監郡者也破之於豐縣下復軍

定沛破泗守薛西破郡守於薛縣之西與司馬左戰碭東秦將章邯

之司馬也左卻敵斬首五十級賜爵國大夫即官大夫也爵

第六嘗從沛公擊章邯軍濮陽城攻先登斬首三十

三級賜爵列大夫即公大夫也從攻陽城先登下戶

牖陽武縣破李繇軍斬首十六級賜上聞爵得徑上聞也呂

氏春秋日魏文侯東勝齊於長城天子後攻圍都尉

賞文侯以上聞又日名通於天子也

丹守元邑

將帥部

卷之三百七十五

東郡守尉於成武

圍即陳留圍縣

郤敵斬首十四級捕虜十

六人

生獲日虜

賜爵五大夫從攻秦軍出亳南

亳成湯封邑今河南

偃師湯亭是

河間守軍於杠破之

杠音江

擊破趙賁軍開封

北音奔

以郤敵先登斬侯一人首六十八級捕虜二

十大人

既斬侯一人又更斬它首六十八級

賜爵卿從攻破楊熊於曲

遇

曲音丘羽切遇音顛

攻宛陵先登斬首八級捕虜四十四人

賜爵封號賢成君

食祿比封君而無邑也楚漢之際權設寵榮假其位號或得邑地或

空受爵此例多矣

從攻長社輟輟絕河津東攻秦軍戶鄉南

攻秦軍於犂破南陽守齧於陽城東攻宛城先登西

至酈

南陽之縣也音直益切

以郤敵斬首十四級捕虜四十人

賜重封

重封者加二號耳

項羽在戲下欲攻沛公沛公從百

餘騎因項伯面見項羽謝無有閉關事項羽既饗軍

士中酒亞父謀欲殺沛公令項莊拔劍舞坐中欲擊

沛公噲居營外聞事急乃持盾入營是日微噲沛公

幾殆後數日項羽入屠咸陽立沛公為漢王漢王賜

噲爵為列侯號臨武遷為郎中從入漢中還定三秦

別擊西丞白水北

西謂隴西郡西縣也白水水名經西縣東流而過言擊西縣之丞

於白水

擁輕車騎雍南破之從攻雍聚城先登

同縣名即后稷所封今武功故城是音胎

擊章平軍好畤攻城先登陷陣

斬縣令丞各一人首十一級虜二十人遷為郎中騎

冊守元龜將帥部

卷之三十七

將從擊秦車騎壞東

地名也

郤敵遷為將軍攻趙賁下

郟槐里柳中咸陽

柳中即細柳地也在長安西

灌廢丘最

引水灌廢丘

至櫟陽賜食邑杜之樊鄉

杜縣之鄉也今日樊川

從攻項籍屠

煇棗

清河有煇棗城功臣表有煇棗侯又日既云攻項籍屠煇棗則其地當在大河之南非清河之

城明矣但未悉其處

擊破王武程處軍於外黃攻鄒魯瑕丘薛

項羽敗漢王於彭城盡復取魯梁地噲還至滎陽益

食平陰二千戶以將軍守廣武一歲

即滎陽之廣武

項羽引

東從高祖擊項羽下陽夏

夏音二雅切

虜楚周將軍卒四

千人周圍項籍陳大破之

於陳縣圍之

屠胡陵項籍死漢

王即黃帝位以噲有功益食邑八百戶其秋燕王臧

荼反噲從攻虜荼定燕地楚王韓信反噲從至陳取

信定楚更賜爵列侯與剖符世世勿絕食舞陽號為

舞陽侯除前所食以將軍從攻反者韓王信於代自

霍人以徃至雲中與絳侯等共定之益食千五百戶

因擊陳豨曼丘臣軍戰襄國破柏人先登降之定清

河嘗山凡二十七縣殘東垣

殘謂多所殺物也

遷為左丞相

破得綦母邛尹潘軍於無終廣昌

姓綦母名氏也綦音共

破豨

別將胡人王黃軍代南因擊韓信軍參合軍所將卒

斬韓信擊豨胡騎橫谷斬將軍趙既虜代丞相馮梁

守孫奮大將王黃將軍大將一人太僕解福等十人

與諸將共定代鄉邑七十三後燕王盧縮反噲以相國擊縮破其丞相抵薊南

抵至也一說抵者其丞相之名也音丁禮切

燕縣十八鄉邑五十一益食千三百戶定食舞陽五

千四百戶

酈商高陽人也

酈音歷

陳勝起商聚少年得數千人沛

公畧地六月餘商以所將四千人屬沛公於岐從攻

長社先登賜爵封信成君從攻縱氏絕河津破秦軍

雒陽東從下宛穰定十七縣別將攻旬關

漢中旬水上之關也

今在洵陽縣

西定漢中

先言攻旬關定漢中然後云沛公為漢王是則沛公從武關藍田而

來商時別從西道平定漢中

沛公為漢王賜商爵信成君以將軍

為隴西都尉別定北地郡破章邯別將於烏氏拘邑

泥陽

烏氏安定縣也拘邑今在幽州泥陽北地縣氏音友拘音荀

賜食邑武城六

千戶從擊項籍軍與鍾離昧戰受梁相國印

漢以梁相國印

授之益食四千戶從擊項羽二歲攻胡陵漢王即帝位

臧荼反商以將軍從擊荼戰龍脫先登陷陳破荼軍

易下

今易縣

郤敵遷為丞相賜爵列侯與剖符世世勿

絕食邑涿郡五千戶別定上谷因攻代受趙相國印

初受梁相國印今又受趙國相印

與絳侯等定代郡鴈門得代丞相

程縱守相郭同

守相謂為相而居守者

將軍以下至六百石十

九人還以將軍將太上皇衛一歲十月以右丞相擊

陳豨殘東垣又從擊黔布攻其前垣

謂攻其壁壘之前垣

陷兩

陳得以破布軍更封為曲周侯食邑五千一百戶除

前所食

夏侯嬰以縣令史為高祖使上降沛一日高祖為沛

公賜爵七大夫以嬰為太僕嘗奉車

為沛公御車

從攻胡

陵嬰與蕭何降泗水監平

胡陵所止縣何嘗給之故與降

平以胡陵

降賜嬰爵五大夫從擊秦軍碭東攻濟陽下戶牖破

李繇軍雍丘以兵車趣攻戰疾破之

趣讀日促謂為急促也次下亦

同賜爵執帛從擊章邯軍東阿濮陽下以兵車趣攻

戰疾破之賜爵執圭從擊趙賁軍開封封楊熊軍曲遇

嬰從捕虜六十八人降卒八百五十人得印一匱時

相署置官之印

又擊秦軍雒陽東以趣攻戰疾賜爵封轉為

滕令

今汴郡公丘縣

因奉車

因此又每奉車從攻戰以至霸上

從攻定南陽

戰於藍田並陽

並陽後為霸陵縣

至霸上沛公為漢王賜嬰

爵列侯號昭平侯復為太僕從入蜀漢還定三秦從

擊項籍至彭城項羽大破漢軍漢王不利馳去見孝

惠魯元載之漢王急馬罷虜在後

罷讀日疲

嘗蹶兩兒棄

之

蹶音撥又音足跛物之跋

嬰嘗收載行而雍樹馳

面併也雍抱持之言取兩

兒令面背已而抱持之以馳故云面雍樹馳雍讀日擁

漢王怒欲斬嬰者十餘

卒得脫而致孝惠魯元於豐漢王既至滎陽收散兵

復振賜嬰食邑沂陽

沂音魚依切

擊項籍下邑追至陳卒

定楚至魯益食茲氏

茲氏縣名地理志屬太原

漢王卽帝位燕王

臧荼反嬰從擊荼至陳取楚王信更食汝陰剖符世

世勿絕從擊代至武泉雲中益食千戶因從擊韓信

軍胡騎晉陽旁大破之追北至平城爲胡所圍七日

不得通高帝使使厚遺閼氏冒頓乃開其圍一角高

帝出欲馳嬰固徐行弩皆持滿外鄉

故示閒暇所以固士卒心而令

敵不測也

卒以得脫

卒終也

益食嬰細陽千戶

益其邑使食之

從擊胡騎句注北大破之擊胡騎平城南山陷陳爲

功多賜所奪邑五百戶

時有罪過奪邑者以賜之

從擊陳豨黥布

軍陷陳郤敵邑千戶定食汝陰六千九百戶除前所

食

灌嬰以中涓從擊破東都尉於成武及秦軍於杠里

疾鬪賜爵七大夫又從攻秦軍亳南開封曲遇戰疾

力

疾急速也力強力也

賜封執帛號宣陵君從攻陽武以西至

雒陽破秦軍尸北北絕河津南破南陽守齟陽城東

遂定南陽郡西入武關戰於藍田疾方至霸上賜爵

執圭號昌文君沛公爲漢王拜嬰爲郎中從入漢中

十月拜爲中謁者從還定秦三下櫟陽降塞王還圍

章邯廢丘未拔從擊定陶南疾戰破之賜嬰爵列侯

號昌文侯食杜平鄉

杜縣之平鄉

復以中謁者從降下碭

以北至彭城項羽擊破漢王遁而西嬰從還軍

於雍丘王武魏申徒反

故秦將降於公

從擊破之攻下外黃

西收軍於滎陽楚騎來衆漢王乃擇軍中可爲騎將

者皆推故秦騎士重泉人李必駱甲

重泉縣名也地理志屬王馮翊

習騎兵今爲較尉可爲騎將漢王欲拜之必甲曰臣

故秦民恐軍不信臣臣願得大王左右善騎者傳之

傳音附猶言隨從者

嬰雖少然數力戰乃拜嬰爲中大夫令李

必駱甲爲左右較尉將郎中騎兵擊楚騎於滎陽東

大破之受詔別擊楚軍後絕其饗道

饗古餉切

起陽武至

襄邑擊項羽之將項冠於魯下破之將卒斬右司馬

騎將各一人

主右方之馬左亦如之又曰下所謂左右千人之騎

擊破柘公王

武軍燕西

柘縣名公者柘之令也王武其人姓名燕亦縣名古南燕國也音一千切

所將

卒斬樓煩將五人

樓煩縣名其人善騎射故名射士爲樓煩取其稱也

連尹一

人

楚官也

擊王武別將桓嬰白馬下破之所將卒斬都

尉一人以騎度河南送漢王到雒陽從北迎相國韓

信軍於邯鄲還至敖倉嬰遷爲御史大夫三年以列

侯食邑杜平鄉受詔將郎中騎兵東屬相國韓信擊

齊破軍於歷下所將卒虜車騎將軍華毋傷

華音下化切

及將吏四十六人降下臨淄得相田光追齊相田橫

至蕪博

二縣名

擊破其騎所將卒斬騎將一人生得騎

將四人攻下蕪博破齊將軍田吸於千乘斬之東從

韓信攻龍且留公於假密

留縣名公留令也攻龍且及留令於假密

卒斬

龍且

英所將之卒也其下亦同

生得右司馬連尹各一人樓煩將

十人身生得亞將周蘭

亞次也

齊地已定韓信自立為

齊王使嬰別將擊楚將公杲於魯北破之轉南破薛

郡長

長亦如郡守也時每郡置長

身虜騎將入攻博陽前至下相

以東南僮取慮徐

僮取慮徐三縣也取音趨又音秋慮音盧

度淮盡降其

城邑至廣陵

謂從下相以東南盡降城邑乃至廣陵皆平定

項羽使項聲薛

公鄉公復定淮北嬰度擊破項聲鄉公下邳斬薛

公下下邳壽春擊破楚騎平陽

此平陽在更郡

遂降彭城虜

柱國項佗

佗音從何切

降留薛沛鄭蕭相

凡六縣鄭音才何切

攻苦

譙復得亞將周蘭與漢王會顧鄉從擊項籍軍陳下

破之所將卒斬樓煩將二人虜將八人賜益食邑二

千五百戶項籍敗垓下去也嬰以御史大夫將軍騎

別追項籍至東城破之所將卒五人共斬項籍皆賜

爵列侯降左右司馬各一人卒萬二千人盡得其軍

將吏下東城歷陽度江破吳郡長吳下

吳郡長當時為吳郡長嬰

破之於

吳下得吳守遂定吳豫章會稽郡還定淮北凡五

十二縣漢王即帝位賜益嬰邑三千戶以車騎將軍

從擊燕王荼明年從至陳取楚王信還剖符世世勿
絕食穎陰二千五百戶從擊韓王信於代至馬邑別
降樓煩以北六縣斬代左將破胡騎將於武泉北復
從擊信胡騎晉陽下所將卒斬胡白題將一人胡名也
又受詔弁將燕趙齊梁楚車騎擊破胡騎於涪石涪音
千坐切至平城為胡所困從擊陳豨別攻豨丞相侯敞
軍曲逆下破之卒斬敞及特將五人卒謂所將之卒也特獨也名獨
將降曲逆盧奴上曲陽安國安平攻下東垣黥布反
以車騎將軍先出攻布別將於相破之斬亞將樓煩
將三人又進擊破布上柱國及大司馬軍又破布別

將肥銖嬰身生得左司馬一人所將卒斬其小將十
人追北至淮上益食邑三千五百戶布已破高帝歸
定令嬰食穎陰五千戶除前所食邑凡從所得二千
石二人別破軍十六降城四十六定國一郡二縣五
十二得將軍二人柱國相各一人二千石十人嬰自
破布歸高帝後以列侯事惠帝及呂后至呂祿等欲
為亂齊哀王聞之舉兵西呂祿等以嬰為大將軍往
擊之嬰至滎陽乃與絳侯等謀因屯兵滎陽風齊王
以誅呂氏事風讀日諷齊兵止不前絳侯等既誅諸呂齊
王罷兵歸嬰自滎陽還與絳侯陳平共立文帝於是



州府元... 褒異... 卷之三百七十五

益封嬰三千戶賜金千斤為太尉

傅寬以魏五大夫騎將從為舍人起橫陽從攻安陽

杠里趙賁軍於開封及擊楊熊曲遇陽武斬首十二

級賜爵卿從至霸上沛公為漢王賜寬封號共德君

共讀從入漢中為右騎將定三秦食邑雕陰縣名屬上郡

從擊項籍待懷待高帝於懷懷縣名也地賜爵通德

侯從擊項冠周蘭龍且所將卒斬騎將一人敖下敖地

名敖倉益取此名也韓信也信時為相國屬淮陰者

左氏傳曰敖高之間益食邑屬淮陰參曹參也博太

終言擊破齊歷下軍擊田解屬相國參殘博也博太

也山縣益食邑因定齊地剖符世世勿絕封陽陵侯二

千六百戶除前所食為齊右丞相備齊時田橫未降故設屯備

斬歙以中涓從起宛胸歙音歙宛音於元切胸音其于切攻濟陽破

李繇軍擊秦軍開封東斬騎千人將一人騎將率號為千人漢

儀注邊郡者部都尉千人同馬侯也首五十七級捕虜七十三人賜爵

封臨平君又戰藍田北斬車司馬二人主車也騎長一

人騎之首二十八級捕虜五十七人至霸上沛公為

漢王賜歙爵建武侯遷騎都尉後定三秦別西擊章

平軍於隴西破之定隴西六縣所將卒斬車司馬侯

各四人騎長十二人從東擊楚至彭城漢軍敗還保

雍丘擊反者王武等畧梁地別西擊邢說軍菑甬破

將帥部

十二

之蓄縣名也後為考成說讀日悅身得說都尉二人司馬侯十二人

降吏卒四千六百八十人破楚軍滎陽東食邑四千

二百戶別之河內擊趙賁軍朝歌破之所將卒得騎

將二人車馬二百五十四匹從攻安陽以東至棘蒲下

十縣別攻破趙軍得其將司馬二人侯四人降吏卒

二千四百人從降下邯鄲別下平陽身斬守相所將

卒斬兵守郡一人言兵郡守一人也降鄴從攻朝歌鄴鄆及

別擊破趙軍降邯鄲郡六縣還軍敖倉破項籍軍成

臯南擊絕楚餉道起滎陽至襄邑破項冠魯下礪地

東至鄆鄆下邳南至蘄竹邑擊項悍濟陽下還擊項

籍軍陳下破之別定江陵降柱國大司馬以下八人

身得江陵王致雒陽江陵王為共敖之子共因定南

郡從至陳取楚王信剖符世世勿絕定食四千六百

戶為信武侯以騎都尉從擊代攻韓信平城下還軍

東垣有功遷為車騎將軍弁將梁趙齊燕楚車騎別

擊陳豨丞相敞破之侯敞因降曲逆從擊黥布功益封

定食邑五千三百戶

任敖沛人也少為獄吏高祖嘗避吏吏繫呂后遇之

不謹任敖素善高祖怒擊傷主呂后吏及高祖初起

敖以客從為御史守豐二歲高祖立為漢王東擊項

羽敖遷為上黨守陳豨反敖堅守封為廣阿侯食邑千八百戶

申屠嘉梁人也以材官蹶張材官之多力能脚踏疆弩以手張者曰蹶御者能以足蹶故曰蹶張蹶音厥蹶音布麥切從高祖擊項羽遷

為隊率一隊之率也音所頻切從擊黥布為都尉孝惠時為淮

陽守孝文元年舉故以二千石從高祖者悉以為關

內侯食邑三十四人而嘉食邑五百戶

周亞夫為將軍文帝六年匈奴大入邊以宗正劉禮

為將軍軍霸上祝茲侯徐厲為將軍軍棘門以河內

守亞夫為將軍軍細柳以備胡帝自勞軍至霸上及

棘門軍直馳入將以下騎出入送迎已而之細柳軍

軍士吏被甲銳兵刃彀弓弩持滿彀張也音遣天子先驅

至不得入先驅導駕者也若今之武將隊先驅曰天子且至軍門都

尉曰軍中聞將軍之令不聞天子之詔有頃上至又

不得入於是上使使持節詔將軍曰吾欲勞軍亞夫

乃傳言開壁門壁門士請車騎曰將軍約軍中不得

馳驅於是天子乃按轡徐行至中營將軍亞夫揖曰

介胄之士不拜請以軍禮見禮介者不拜天子為動改容

式車古者立乘凡言式車者謂俛身撫式以禮敬人式車前橫木使人稱謝謝告也

皇帝敬勞將軍成禮而去既出軍門羣臣皆驚文帝



曰嗟乎此真將軍矣鄉者霸上棘門如兒戲耳鄉讀曰饗

其將固可襲而虜也至於亞夫可得而犯耶稱善者

久之月餘三軍皆罷乃拜亞夫為中尉

直不疑景帝時為御史大夫吳楚反時不疑以二千

石將擊之武帝修吳楚時功封不疑為塞侯

李廣與從弟李蔡俱為郎事文帝景帝時蔡積功至

二千石武帝元朔中為輕車將軍從大將軍擊右賢

王有功中率封為樂安侯

李敢者廣之少子也敢以較尉從驃騎將軍擊胡左

賢王力戰奪左賢王旗鼓斬首多賜爵關內侯食邑

二百戶

衛青武帝元光六年拜車騎將軍擊匈奴出上谷斬

首虜數百騎賜爵關內侯元朔元年秋青復將三萬

騎出鴈門斬首虜數千明年青復出雲中遂取河南

地為朔方郡當北地郡之北黃河之南以三千八百戶封青為長

平侯益封青三千八百戶五年春青將三萬騎出高

關得右賢裨王十餘人裨王小王也裨頻移切眾男女五千餘

人畜數十百萬於是引兵而還至塞帝使使持大將

軍印即軍中拜青為大將軍益封青八千七百戶

霍去病為票姚較尉票姚音飄遙又票頻妙切檉羊召切與輕勇騎八



百直棄大將軍數百里赴利斬捕首虜過當多過所當也

以二千五百戶封去病為冠軍侯元狩三年春為驃

騎將軍將萬騎出隴西有功益封去病二千二百戶

其夏去病出北地遂深入至祁連山即天山也捕首虜甚

多益封五千四百戶武帝又嘉去病之功以千七百

戶益封四年春去病出定襄執訊獲醜七萬有四百

四十三級以五千八百戶益封秩祿與大將軍等

趙充國以假司馬從貳師將軍擊匈奴大為虜所圍

充國乃潰圍陷陳貳師遂得解身被二十餘創武帝

親見視其創嗟歎之拜為中郎遷車騎將軍長史昭

帝時武都人反充國以大將軍護軍都尉將兵擊

定之遷中郎將將屯上谷領兵屯於上谷還為水衡都尉擊

匈奴獲西祁王擢為後將軍宣帝本始中為蒲類將

軍征匈奴斬虜數百級還為後將軍少府

辛慶忌為右較尉隨長羅侯嘗惠屯田烏孫赤谷城

與歙侯戰歙即翁字也歙侯烏孫官名陷陳郤敵惠奏其功拜為

侍郎

鄭吉宣帝時以侍郎田渠黎積穀因發諸國兵攻破

車師遷衛司馬使護鄯善以西南道鄯善神爵中匈

奴乖亂日逐王先賢禪欲降漢禪音使人與吉相聞



吉發渠黎龜茲諸國五萬人迎日逐王口萬二千人
 小王將十二人隨吉至河曲頗有亡者吉追斬之遂
 將詣京師漢封日逐王為歸德侯吉既破車師而降
 日逐威震西域并護車師以西北道故號都護並護南北
 二道故謂之都都猶大也總也都護之置自吉始焉帝嘉其功効乃
 下詔曰都護西域騎都尉鄭吉拊循外蠻宣明威信
 禮云東夷北狄西戎南蠻然夷蠻戎狄亦四方之總稱耳故史傳又云百蠻也迎匈奴單于
 從兄日逐王眾擊破車師兜訾城訾子移切功効茂著其
 封吉為安遠侯食邑千戶
 段會宗為左曹中郎將發戊巳較尉諸國兵誅烏孫

末振將太子番丘還奏事公卿議會宗權得便宜以
 輕兵深入烏孫即誅番丘宣明國威宜加重賞孝成
 元延中天子賜會宗爵關內侯黃金百斤
 後漢王嘗初歸光封山桑侯山桑縣屬沛郡今亳州縣後帝於
 大會中指嘗謂羣臣曰此家率下江諸將輔翼漢室
 心如金石真忠臣也是日遷嘗為漢忠將軍遣南擊
 鄧奉董訴令諸將皆屬焉又與王霸共平沛郡賊苗虛
 也及徵還雒陽令大夫迎嘗於舞陽歸家上塚西屯
 長安拒隗囂七年使使者持璽書即拜嘗為橫野大
 將軍位次與諸將絕席絕席謂尊顯之也



來歙為大中大夫至略陽斬隗囂守將金梁因保其城囂悉兵數萬人圍略陽自春至秋其士卒疲弊光武乃大發關東兵自將上隴囂眾潰走圍解於是置酒高會勞賜歙班坐絕席在諸將之右賜歙妻縑千疋詔使留屯長安悉監護諸軍

鄧禹為大司徒渡汾陰河入夏陽更始中郎將左輔都尉公乘歙引其眾十萬與左馮翊兵共拒禹於衙衙縣名屬左馮翊禹破走之光武嘉之數賜書褒美十三年天下平定封為高密侯

寇恂為河內太守行大將軍事時朱鮪聞光武北而

河內孤使蘇茂賈彊度鞏河攻温今維州縣恂因奔擊大

破之時光武初即位軍食急乏恂轉輸不絕帝數策書勞問後為潁川太守擊斬潁川嚴終等寇定封恂雍奴侯邑萬戶

馮異為偏將軍從王武破王郎封應侯又從平河北拜異為孟津將軍擊陽翟城賊嚴終趙根破之詔異歸家上冢使太中大夫齋牛酒令二百里內太守都尉已下及宗族會焉時赤眉延岑暴亂三輔代鄧禹討之車駕送至河南賜以乘輿七尺貝劍貝謂以寶玉裝飾之異與赤眉遇於華陰相拒六十餘日戰數十合降其

將劉始王宣等五千人三年春遣使者即拜異為征西大將軍大破赤眉眾於峭底降男女八萬人降璽書勞異後朝京師引見帝謂公卿曰是我起兵時主簿也為吾披荆棘定關中既罷使中黃門賜以珍寶衣服錢帛

岑彭為刺姦將軍光武使督察眾營授以嘗使持節

從平河北及帝即位拜廷尉行大將軍事又破許邯

於杏南陽復陽縣有杏聚降董訢遷征南大將軍及擊秦豐敗

走封為舞陰侯後以將伐蜀漢引兵屯津鄉縣名所謂江津

也徵詣京師數召讌見厚加賞賜復南還津鄉有詔

過家上冢後彭破荆門降卬穀王任貴會彭薨帝盡以任貴所獻賜彭妻子

賈復為破虜將軍光武至信都以為偏將軍及拔邯

鄆遷都護將軍復又擊鄴賊破之光武即位拜為執

金吾封冠軍侯先度河攻朱鮪於雒陽與白虎公陳

儵戰連破降之益封穰朝陽二縣又擊召陵新息平

定之新息縣名屬汝南郡遷左將軍後定封膠東侯食郁秩壯

武下密即墨挺胡觀陽凡六縣六縣皆屬膠東國壯武故城在今萊州即

墨縣西下密在今青州北海縣東北即墨在今萊州

膠水縣東南挺胡故城在今萊州昌陽縣西北觀陽

在昌陽縣之東挺一音廷

吳漢為偏將軍既拔邯鄲

光武使漢等將突騎揚兵戲馬立騎馳環邯鄲城乃

之賜號建策侯光武即位拜大司馬更封舞陽侯及

平蜀振旅浮江而下至宛詔令過家上冢賜穀二萬

斛後薨詔發北軍五較輕車介士送葬如大將軍霍

光故事

蓋延為偏將軍號建功侯從光武平河北及即位

以延為虎牙將軍更封安平侯又從征董憲於昌慮

皆破平之又與來歙攻河池以病引還拜為左馮翊

後增封定食萬戶

陳俊為彊弩偏將軍光武賜絳衣九百領以衣中堅

同心士與五較戰於安次俊下馬手接短兵所向必

破追奔二十餘里斬其渠帥而還帝望而歎曰戰將

盡如是豈有憂哉及光武即位封俊為列侯又攻匡

賊下四縣更封新處侯

縣名在中山國

又追討張步斬之帝

美其功詔俊得專征青徐

賜璽書曰將軍元勲大著威震青徐兩州有警得專

征數上書願擊隴蜀詔報曰東州新平大將軍之功

也負海猾夏盜賊之處國家以為重且勉鎮撫之又

增邑定封祝阿侯

縣名屬平原郡

臧宮為偏將軍從光武破羣賊數陷陳郤敵及帝即

位以為侍中都騎尉又封成安侯將突騎與祭遵擊

更始將左防韋顏於沮陽悉降之又將兵徇江夏擊
代鄉鍾武竹里皆下之鍾武縣屬江夏郡故城在今申州鍾離縣西南帝使

大中大夫張明持節拜官為輔威將軍後更封期思
侯縣名屬汝南郡又與吳漢滅公孫述帝以蜀地初定拜官

為廣漢太守增邑更封鄴侯

耿况為大將軍封隃麋侯與子舒攻彭寵取軍都軍都

縣屬廣陽縣寵死光武嘉况功使光祿大夫持節迎况袁

松書曰使光祿大夫樊寵詔况曰惟况功大不宜監察從事邊郡寒苦不足久居其詣行在所賜甲

第奉朝請封平侯後况疾病乘輿數自臨幸

耿弇為偏將軍說光武益發精兵以集大計光武大

悅乃拜弇為大將軍及帝即位拜弇為建威大將軍

攻破厭新賊於敖倉更封好時候食好時美陽二縣

姚期為偏將軍從光武擊破王郎拜期虎牙大將軍

光武即位封安成侯安成縣名屬汝南郡故城在今豫州汝陽縣東南食邑

五千戶後卒帝親臨襚歛贈以衛尉安成侯印綬

王霸為軍正爵闕內侯既至信都發兵攻拔邯鄲霸

追斬王郎得其璽綬封王鄉侯光武即位以霸曉兵

愛士可獨任拜為偏將軍又更封富波侯富波縣名屬汝南郡

在今豫州

祭遵受偏將軍從光武平河北以功封列侯又拜征

虜將軍定封潁陽侯後從車駕上隴及隗囂破光武東歸過汧幸遵營勞享士卒作黃門武樂良夜乃罷時遵有疾詔賜重茵覆以御蓋復令進屯隴下後遵卒帝愍悼之猶甚遵喪至河南縣詔遣百官先會喪車駕素服臨之望哭哀慟還幸城門過其車騎涕泣不能已喪禮成復親祠以太牢如宣帝臨霍光故事詔大長秋謁者河南尹護喪事大司農給費至塋車駕復臨贈以將軍侯印綬朱輪容車介士軍陳送塋既塋車駕復臨其墳存見夫人室家遵無子帝追傷之以從弟彤為偃師長令近遵墳墓四時奉祠之

李忠為右將軍從光武攻下屬縣至苦陘

苦陘縣名屬中山國

章帝改曰漢昌自此以後隨代改之今為定州唐昌縣

帝會諸將問所得財物

惟忠獨無所掠光武曰我欲特賜李忠諸卿得無望乎即以所乘大驪馬及繡被衣物賜之

萬修為偏將軍封造義侯及破邯鄲拜右將軍從光武平河北更封槐里侯

邳彤為後大將軍及拔邯鄲封武義侯更封靈壽侯耿純為前將軍封耿鄉侯擊王郎將李暉大破之光

武即位封純高陽侯復拜純為東郡太守詔純將兵擊更始太守范荆降之定封東光侯純辭就國帝曰

文帝謂周勃丞相吾所重君為我率諸侯就國今亦然也純受詔而去至鄴賜穀萬斛

朱祐為護軍從光武征河北嘗力戰陷陣以為偏將

軍封安陽侯光武即位拜為建義大將軍更封堵陽

侯縣名屬南陽郡後擊黃邳降之賜祐黃金三十斤

景丹為偏將軍從光武擊王郎將兒宏等大破之遂

從征河北及帝即位詔舉可為大司馬者帝曰景將

軍北州大將是其人也拜丹為驃騎將軍定封丹櫟

陽侯謂丹曰今關東故王國雖數縣不過櫟陽萬戶

已夫富貴不歸故鄉如衣繡夜行故以封卿耳丹頓

首謝

王梁為偏將軍既拔邯鄲賜爵關內侯從光武平河

北拜野王令

杜茂為中堅將軍嘗從光武征伐即位拜大將軍封

樂鄉侯屬信都國北擊伍較於真定進降廣平更封苦陘

侯

馬成為期門從光武征伐及帝即位再遷護軍都尉

後拜揚武將軍擊斬李憲盡平江淮地封平舒侯屬代郡

郡

劉隆為騎都尉封元父侯縣名屬東平國故城在兗州任城縣南俄拜

誅虜將軍討平李憲又守南郡太守增邑更封竟陵

侯後以中郎將副伏波將軍馬援擊交阯蠻夷徵側

等隆別於禁谿口破之交阯即麓冷縣有金溪穴相傳音訛謂之禁溪徵側所販

處也其地今岑州新昌縣是也獲其帥徵貳徵側之妹斬首千餘級降者

二萬餘人還更封大國為長平侯

傅俊為較尉從光武破王尋等以為偏將軍帝即位

以俊為侍中封昆陽侯

望鐔為偏將軍從光武平河北及帝即位拜鐔為揚

化將軍封灑疆侯縣名屬河南郡灑於靳切

馬武為振威將軍從光武擊羣賊嘗為先鋒破賊及

帝即位以武為侍中都騎尉封山都侯又與蓋延等

討劉永武別擊濟陰下成武楚丘拜捕虜將軍後擊

破西羌振旅還京增邑七百戶并前千八百戶

竇融初為更始屬國都尉及歸光武為涼州牧光武

以融性好著明詔右扶風修理融父墳塋祠以大牢

數馳輕使致遺四方珍饈及車駕征隗囂融率五郡

太守羌虜小月氏等步騎數萬輜重五千餘兩會高

平地高平今原州縣帝置酒高會引見融待以殊禮隴蜀平

詔融與五郡太守奏事京師官屬賓客相隨駕乘千

餘兩馬牛羊被野融到詣雒陽城門上涼州收張掖

屬國都尉安豐侯印綬詔遣使者還侯印綬引見就諸侯位賞賜恩寵傾動京師

馬援爲伏波將軍擊斬交阯女賊徵側徵貳傳首雒陽封爲新息侯食邑三千戶又擊其餘黨振旅還京師賜援兵車一乘朝見位次九卿匈奴烏桓寇扶風援以三輔侵擾園陵危逼因請行許之復出屯襄國詔百官祖道

朱浮爲偏將軍從光武破邯鄲拜爲大將軍幽州牧守薊城遂討定北邊封舞陽侯食三縣

梁統爲宣德將軍與竇融等將兵會光武征隗囂及囂敗封統爲成義侯

張宗爲京輔將軍將突騎與征西大將軍馮異共擊關中諸營保破之遷河南郡尉

馬嚴明帝時爲將軍長史將北軍五較士羽林禁兵三千人屯西河美稷衛護南單于聽置司馬從事牧守謁敬同之將軍勅嚴過武庫祭蚩尤帝親御阿閣觀其士衆時人榮之章帝卽位徵拜御史中丞

馬防爲城門較尉行車騎將軍事擊金城隴西諸羌破之詔徵防還拜車騎將軍貴寵最盛與九卿絕席增邑千三百五十戶

竇固為奉軍都尉擊羌胡有功加特進又擊西域破
 白山降車師章帝時追錄前功增邑一千三百戶
 耿秉為征西將軍章帝時擊北匈奴大破之封秉美
 陽侯食邑三千戶及卒賜以朱棺玉衣將作大匠穿
 冢假鼓吹五營騎士三百餘人送葬
 竇憲為車騎將軍大破單于於稽落山遂登燕然山
 刻石勒功紀漢威德令班固作銘和帝詔使中郎將
 持節即五原拜憲大將軍封陽武侯食邑二萬戶憲
 固辭封賜策許焉

班超自章帝建初八年為將兵長史假鼓吹幢麾加

都護討焉者西域五十餘國悉納質內屬焉詔曰超

安集於真以西遂踰葱嶺迄縣度

迄至也縣度山名縣音玄謂以繩索

懸絕而過也其處在皮山國以西剌賓國之東也

出入二十二年莫不賓從

改立其王而緩其人不動中國不煩戎士得遠夷之

和同異俗之心而致天誅蠲宿恥以報將士之讐司

馬法曰賞不踰月欲人速覩為善之利也其封超為

定遠侯食邑千戶超在西域三十一歲至和帝永元

十四年八月至雒陽拜為射聲校尉超素有胃脅疾

既至病遂加帝遣中黃門問病賜醫藥其九月卒年

七十一朝廷愍惜焉使者弔祭贈賙甚厚

耿夔為大將軍左較尉擊匈奴斬闕氏名王已下五

千餘級乃封夔栗邑侯

栗邑縣名屬左馮翊故城今在同州白水縣西北

鄧騭禹之孫也殤帝延平元年夏將左右羽林北軍

五較士及諸部兵擊涼部叛羌車駕幸平樂觀餞送

滕撫順帝時為九江都尉討廣陵賊張嬰等追擊大

破之拜撫中郎將督陽徐二州事

馮緄督揚州諸郡軍事與中郎將滕撫擊破羣賊遷

隴西太守

度尚桓帝時為中郎將討擊柱陽賊胡蘭等斬首三

千五百級詔賜尚錢入萬

杭徐為中郎將宗資別部司馬擊太山賊公孫舉等

破平之斬首千餘級桓帝封徐烏程東鄉侯五百戶

遷泰山都尉寇盜望風奔亡及在長沙宿賊皆平卒

於官下詔追增封徐五百戶并前千戶

段紀明桓帝時為中郎將擊瑯邪賊東郭竇公孫舉

等大破斬之獲首萬餘級餘黨降散封紀明為列侯

賜錢五十萬後為護羌較尉擊先零諸種虜衆大潰

時竇太后臨朝下詔曰先零東羌歷載為患紀明前

陳狀必欲掃滅涉履霜雪兼行晨夜身當矢石感厲

吏士曾未浹日凶醜奔破

浹匝也浹音子牒切謂匝十二辰也

連尸積

俘掠獲無筭洗雪百年之逋負以慰忠將之亡魂陳

記曰太后詔云此以慰神光馬賢等之魂也功用顯著朕甚嘉之頃東羗

盡定當弁錄功勤今且賜紀明錢一十萬勅中藏府

調金錢彩物增助軍費拜紀明破羗將軍徵還京師

將秦胡步騎五萬餘人詔遣大鴻臚特節慰勞於鎬

軍至拜侍中

張奐為護匈奴中郎將以九卿秩督幽并涼三州擊

破羗羗三州清定而願屬弘農華陰舊制邊人不得

內移惟奐因功特聽故始為弘農人焉

皇甫嵩靈帝時為左中郎將平黃巾拜左車騎將軍

領冀州牧封槐里侯食槐里美陽兩縣合八千戶



册府元龜

[Faded text in the right column, likely bleed-through from the reverse side]

册府元龜

淮南李嗣京叅閱

西極文翔鳳訂正

豫章黃國琦較釋

將帥部

三十七

褒異第二

魏鮮于輔為左度遼將軍從太祖於官渡袁紹破走
太祖喜顧謂輔曰而今克之此既天意亦二三子之
力也

閻柔為烏丸較尉從太祖征三郡烏丸以功封關內

侯太祖甚愛柔每謂之曰我視卿如子亦欲卿視我如父也

公孫康嗣父永寧鄉侯太祖征三郡烏丸屠柳城哀尚等奔遼東康斬送尚首封康襄平侯拜左將軍張燕爲平難中郎將太祖將定冀州燕遣使求佐王師拜平北將軍率衆詣鄴封安國亭侯邑五百戶

夏侯惇字元讓漢末太祖初起惇嘗爲裨將從征伐太祖行奮武將軍以惇爲司馬別屯白馬遷折衝較尉領東郡太守太祖自徐州還惇從征呂布爲流矢所中傷左目復領陳畱濟陰太守加建武將軍封尚

安鄉侯又轉領河南尹太祖平河北爲大將軍後拒鄴破遷伏波將軍領尹如故使得以便宜從事不拘科制獻帝建安十二年錄惇前後功增封邑千八百戶并前二千五百戶二十一年從征吳還使惇都督二十六軍畱居巢賜伎樂各倡令曰魏絳以和戎之功猶受金石之樂况將軍乎二十四年太祖軍擊破呂布惇嘗同載拜前將軍

夏侯淵字妙才惇族弟也太祖初起兵以別部司馬騎都尉從陳畱潁川守昌稀反擊降之拜典寅較尉又濟南安樂黃巾徐和司馬俱等攻城殺長吏淵將

太山平原郡兵擊大破之十四年以淵爲行領軍太祖征吳還使淵督諸將擊廬江叛者雷緒破之及太祖還鄴以淵行護軍將軍擊破南山賊劉雄并餘黨梁輿於鄆拔之斬輿封博昌亭侯又破韓遂及降馬超餘衆乃假淵節初抱罕宋建因涼州亂自號河首平漢王太祖使淵討平之太祖下令曰宋建造爲亂逆三十餘年淵一舉滅之虎步關右所向無前仲尼有言吾與爾不如也增封三百戶并前八百戶

曹仁爲太祖別部司馬行厲鋒較尉太祖破袁術仁所斬獲頗多從征徐州仁嘗督騎爲前軍鋒別攻陶

謙將呂繇破之還與大軍合彭城大破謙軍從攻費華卽墨開陽謙遣別將救諸縣仁以騎擊破之太祖征呂布仁別攻句陽拔之太祖平黃巾迎天子都許仁數有功拜廣陽太守太祖器其勇畧使不之郡以議郎督騎從破張繡太祖遂使將騎擊劉備軍破走之又擊破袁紹別將韓洵太祖又從仁討降壺關城於是錄仁前後功封都亭侯從平荊州以仁行征南將軍留屯江寧拒吳衆退之三軍服其勇太祖益壯之轉安平亭侯太祖討馬超以仁行安西將軍督諸將拒潼關破超渭南蘇伯田銀反以仁行驍騎將軍

都督七軍討銀等破之復以仁行征南將軍假節屯
樊鎮荊州侯音以宛叛畧傍縣仁率諸軍攻破音斬
其首還屯樊卽拜征南將軍鄢陵侯彰北征烏丸文
帝在東宮爲書戒彰曰爲將奉法不當如征南邪及
卽王位拜仁車騎將軍都督荆揚益州諸軍事進封
陳侯增邑三千并前三千五百戶後召還屯宛攻破
吳將陳邵於襄陽卽拜仁大將軍又詔仁移屯臨賴
遷大司馬
曹休爲曹洪騎都尉參洪軍事太祖謂休曰汝雖參
軍其實帥也洪從休議擊劉備將吳蘭大破之太祖

拔漢中諸將還長安拜休中領軍文帝初卽位爲領
軍將軍錄前後功封東陽亭侯夏侯惇薨以休爲鎮
南將軍假節都督諸軍事車馬臨送帝乃下與執手
而別吳遣將屯歷陽休到擊破之又別遣兵渡江燒
賊蕪湖營數千家遷征東將軍領揚州刺史進封安
陽鄉侯帝征吳以休爲征東大將軍假黃鉞督張遼
等及諸州郡二十餘軍擊吳大將呂範等於洞浦破
之拜揚州牧明帝卽位進封長平侯吳將審德屯皖
休擊破之斬德首吳將韓綜翟丹等前後率衆詣休
降增邑四百并前二千五百戶遷大司馬都督揚州

如故

曹真字子丹太祖使將虎豹騎討靈丘賊拔之封壽寧侯以偏將軍將兵擊蜀別將於下辨破之拜中堅將軍從至長安領中領軍時是夏侯淵沒於陽平太祖憂之以真為征蜀護軍督徐晃等破蜀別將高詳於陽平太祖自至漢中拔出諸軍使真至武都迎曹洪等還屯陳倉文帝卽王位以真為鎮西將軍假節都督雍涼州諸軍事錄前後功進封東鄉侯張進等反於酒泉真遣費耀討破之斬進等黃初三年還京都以真為上軍大將軍都督中外諸軍事假節鉞與

夏侯尚等征蜀擊牛渚屯破之轉拜中軍大將軍加給事中明帝卽位進封邵陵侯遷大將軍諸葛亮圍陳倉真遣將軍郝昭王生守陳倉有備亮不能克增邑并前二千九百戶及朝雒陽遷大司馬賜劔履上殿入朝不趨

夏侯尚為中領軍文帝踐祚更封平陵鄉侯遷征南將軍領荊州刺史假節都督南方諸軍事擊破蜀別軍於上庸遷征南大將軍車駕幸宛使尚率諸軍與曹真共圍江陵尚夾江燒其舟船水陸並攻破之城未拔會大疫尚引諸軍還益封六百戶并前九百戶

假鉞進爲荊州牧降附蠻夷數千家徙封昌陵鄉侯
尙疾篤還京都帝數臨幸執手涕泣
鍾繇爲司隸較尉持節都督關中諸軍太祖在官渡
與袁紹相持繇送馬二千餘匹給軍太祖與繇書曰
得所送馬甚應其急關右平定朝廷無西顧之憂足
下之勲也昔蕭何鎮守關中足食成軍亦適當爾
程昱爲振威將軍收山澤亡命得精兵數千人乃引
軍與太祖會黎陽討袁譚袁尙譚尙破走拜昱爲奮
武將軍封安國亭侯文帝踐祚爲衛尉進封安鄉侯
增邑三百戶并前八百戶方欲以爲公會薨帝爲流

涕追贈車騎將軍

郭嘉爲司空軍祭酒征呂布三戰破之又從太祖破
袁紹紹死又從討譚尙於黎陽連戰數克諸將欲乘
勝遂攻之嘉以爲不可太祖乃南征軍至西平譚尙
果爭冀州譚爲尙軍所敗走保平原遣申毗乞降太
祖還救之遂從定鄴又從攻譚於南皮冀州平封嘉
洧陽亭侯及疾篤太祖問疾者交錯及薨臨其喪哀
甚乃表曰軍祭酒郭嘉自從征伐十有一年每有大
議臨敵制變臣策未決嘉輒成之平定天下謀功爲
高不幸短命事業未終追思嘉勲實不可忘可增邑

八百戶并前千戶

蔣濟爲散騎嘗侍與大司馬曹仁征吳仁薨以濟爲東中郎將代領其兵詔曰卿兼資文武志節抗懷嘗有超越江湖吞吳會之志故復授將帥之任

郝昭爲將軍守陳倉蜀將諸葛亮攻之二十餘日昭固守亮乃退明帝詔嘉昭善守賜爵列侯及還帝引見慰勞之顧謂中書令孫資曰卿鄉里乃有爾曹快人爲將灼如此朕復何憂乎仍欲大用之會病亡

張旣爲雍州刺史文帝卽王位初置涼州以安定太守鄒岐爲刺史張擁張進執郡守舉兵拒岐黃華趨

演各逐故太守舉兵以應之旣進兵爲護羌較尉蘇則聲勢故則得以有功旣進爵都鄉侯涼州盧水故伊健妓妾治元多等反河西大擾帝憂之曰非旣莫能安涼州乃召鄒岐以旣代之擊胡大破之帝甚說詔曰卿踰河歷險以勞擊逸以寡勝衆功過南仲勳踰吉甫此勲非但破胡乃永寧河右使吾長無西顧之念矣徙封西鄉侯增邑二百戶并前四百戶

賈逵爲豫州刺史關內侯黃初中與諸將並征吳破呂範於洞浦進封陽里亭侯加建威將軍明帝卽位增邑二百戶并前四百戶

任峻爲典農中郎將太祖使峻典軍器糧運賊數寇
鈔絕糧道乃使千乘爲一部十道方行爲複陳以營
衛之賊不敢近軍國之饒起於羽林監棗祗而成於
峻太祖以峻功高乃表封爲都亭侯邑三百戶遷長
水較尉

蘇則爲酒泉安定武都太守所在有威名太祖征張
魯使爲軍導魯破徙爲金城太守文帝初西平麴演
叛稱護羌較尉則勒兵討之演恐乞降帝以其功加
則護羌較尉賜爵關內侯後演復結旁郡爲亂及武
威三種胡并寇鈔道路斷絕武威太守毋丘興告急

於則乃發兵救武威降其三種胡與興擊敗演軍河
西平乃還金城進封都亭侯邑三百戶

張遼爲中郎將數有戰功遷裨將軍從太祖討袁譚
袁尙於黎陽有功行中堅將軍又破遼東賊柳毅等
還都太祖自出迎遼引共載以遼爲盪寇將軍復別
擊荊州定江夏諸縣還屯臨穎封都亭侯從征袁尙
於柳城卒與虜遇遼勸太祖戰氣甚奮太祖壯之自
以所持麾授遼遂擊大破之太祖論諸將功曰登天
山履峻險以取蘭城盪寇功也增邑假節遼又率諸
軍討吳追擊大帝幾獲之太祖大壯遼拜征東將軍

文帝卽位轉前將軍賜帛千匹穀萬斛吳復叛遣遼
還屯合肥進遼爵都鄉侯給遼母輿車及兵馬送遼
家詣屯勅遼母至導從出迎所督諸將軍吏皆羅拜
道側觀者榮之文帝踐祚封晉陽侯增邑千戶并前
二千六百戶黃初二年遼朝雒陽宮帝引遼會建始
殿親問破吳狀帝嘆息顧左右曰此亦古之召虎也
爲起第舍又特爲遼母作殿以遼所從破吳軍應募
步卒皆爲虎賁吳復稱藩遼還屯雍丘得疾帝遣侍
中劉曄將太醫視疾虎賁問消息道路相屬疾未瘳
帝迎遼就行在車駕親臨執其手賜以御衣太官日

送御食疾小差還屯吳復叛遼與諸將破之遼病篤
薨於江都帝爲流涕

樂進爲陷陣都尉從擊呂布於濮陽張超於雍丘橋
甃於苦皆先登有功封廣昌亭侯從征張繡於安衆
圍呂布於下邳破別將擊睦固於射大攻蜀先主於
沛皆破之拜討寇較尉渡河攻獲嘉還從擊袁紹於
官渡力戰斬紹將淳于瓊從擊譚尚於黎陽斬其大
將嚴敬行游擊將軍別擊黃巾破之定樂安郡從圍
鄴鄴定從擊袁譚於南皮先登入譚東門譚敗別攻
雍奴破之太祖表漢帝稱進功遷折衝盪寇將軍太

祖征管承軍淳于遣進與李典擊之承破走逃入海
島海濱平荊州未服遣屯陽翟後從平荊州留屯襄
陽擊關羽蘇飛等皆走之南郡諸縣山谷蠻夷詣進
降又討蜀臨沮長杜普旌陽長梁太皆大破之後從
征吳假進節太祖還留進與張遼李典屯合肥增邑
五百戶并前凡千三百戶遷右將軍

于禁爲軍司馬太祖使將兵詣徐州攻廣威拔之拜
陷陣都尉從征黃巾劉辟黃邵等擊破之遷平虜較
尉初黃巾降號青州兵太祖寬之故敢因緣爲畧禁
怒乃討之青州兵詣太祖自訴或謂禁青州兵已數

君矣宜促詣公辨之禁乃入謁具陳其狀太祖悅謂
禁曰將軍在亂能整討暴堅壘有不可動之節雖古
名將何以加之於是錄禁前後功封益壽亭侯又太
祖使禁別將屯原武擊袁紹別營於杜氏津破之遷
裨將軍禁又督守土山力戰紹破遷將軍又征昌豨
降之是時太祖軍淳于聞而嘆曰豨降不詣吾而歸
禁豈非命邪益重禁東海平拜禁虎威將軍後與臧
霸等攻梅成張遼張郃等討陳蘭遂斬蘭成增邑二
百戶并前千二百戶又太祖嘗恨朱靈欲奪其營禁
徑詣靈營奪其軍衆皆震服遷右將軍假節鉞

張郃為偏將軍封都亭侯從太祖攻鄴拔之又從擊
 袁譚於渤海別將軍圍雍奴大破之以功遷平狄將
 軍又別督諸軍降巴東巴西二郡還南鄭拜盜寇將
 軍太祖在長安遣使假郃節文帝即王位以郃為左
 將軍進爵都鄉侯及踐祚進封鄭侯諸葛亮出祁山
 加郃位特進遣督諸軍拒亮絕其汲道擊大破之南
 安天水安定郡反應亮郃皆破平之詔曰賊亮以巴
 蜀之眾當虓虎之師將軍被堅執銳所向克定朕甚
 嘉之益邑千戶并前四千二百戶郃屯方城會諸葛
 亮復出急攻陳倉明帝驛馬召郃到京都帝自幸河

南城置酒送郃遣南北軍士二萬及分遣武衛虎賁
 使衛郃

徐晃河東陽人也為郡吏從車騎將軍楊奉討賊有
 功拜騎都尉及歸太祖太祖授晃兵使擊卷

卷音墟
權切

原武賊破之拜裨將軍從征呂布別降布將趙庶李
 鄒等與史渙斬睦固於河內從破蜀先主又從破顏
 良拔白馬進至延津破文醜拜偏將軍與曹洪擊滎
 疆賊祝臂破之又與史渙擊袁紹運車於故市功最
 多封都亭侯又從征蹋頓拜橫野將軍馬超等反關
 右遣晃屯汾陰以撫河東賜牛酒令上先人墓又從

征張魯別遣晃討攻犢仇夷諸山氏皆降之遷平寇將軍晃助曹仁討關羽羽圍仁於樊又圍將軍呂蒙於襄陽晃擊退之振旅還摩陂太祖迎晃七里置酒大會太祖舉卮酒勸晃且勞之曰全樊襄陽將軍之功也時諸軍皆集太祖案行諸營士卒咸離陣觀而晃軍營整齊將士駐陣不動太祖嘆曰徐將軍可謂有周亞夫之風矣文帝卽王位以晃爲右將軍進封爲遼鄉侯及踐祚進封楊侯與夏侯尚討蜀先主於上庸破之以晃鎮陽平徙封陽平侯明帝卽位拒吳將諸葛瑾於襄陽增邑二百戶并前三千一百戶

李整者典之從父乾子也太祖使整將乾兵與諸將擊蘭封蘭封破從平交州諸縣有功稍遷青州刺史李典爲裨將從太祖圍鄴鄴定與樂進圍高幹於壺關擊管承於長廣皆破之遷捕虜將軍封都亭侯典宗族部典三千餘家居乘氏自請從詣魏郡太祖嘉之遷破虜將軍又率將與張遼破走吳太帝增邑百戶并前三百戶

李通爲振威中郎將太祖討張繡通爲先登大破繡軍拜裨將軍封建功侯分汝南二縣以通爲楊安都尉太祖與袁紹相拒於官渡紹遣使拜通征南將軍

劉表亦陰招之通皆拒焉又擊羣賊瞿恭江宮沈成等皆破殘其衆送其首遂定淮汝之地改封都亭侯拜汝南太守又破攻賊張赤等五千餘家蜀先主與周瑜圍曹仁於江陵通率衆入圍迎仁軍勇冠諸將通得病死追增邑二百戶并前四百戶

臧霸為瑯邪相太祖方與袁紹相拒而霸數以精兵入青州故太祖得專事封霸為都亭侯加威虜將軍又與夏侯淵討黃巾餘賊徐和等有功遷徐州刺史沛國公文帝踐祚進封開陽侯徙封良成侯與曹公討吳賊破呂範於洞浦徵為執金吾位特進明帝即

位增邑五百戶并前三千五百戶

文聘為江夏太守太祖使典北兵委以邊事賜爵關內侯與樂進討關羽於尋口有功進封延壽亭侯加討逆將軍又攻羽輜重於漢津燒其船於荆城文帝踐祚進封長安鄉侯假節與夏侯尚圍江陵使聘別屯沔口止石梵自當一隊禦賊有功遷後將軍封新野侯聘又追擊吳大帝衆破之增邑五百戶并前千九百戶

呂虔領太山太守引兵與夏侯淵擊黃巾徐和等斬首獲生數千人太祖使督青州諸郡兵以討東萊羣



賊李條等有功太祖令曰夫有其志必成其事蓋烈士之所徇也卿在郡以來擒姦討暴百姓獲安躬蹈矢石所征輒克昔寇恂立名於汝潁耿弇建策於青兗古今一也舉茂才加騎都尉文帝卽位加裨將軍封益壽亭侯遷徐州刺史加威虜將軍又討利城叛賊斬獲有功明帝卽位徙封萬年亭侯增邑二百戶并前六百戶

許褚爲都尉從太祖征張繡先登斬首萬計遷較尉又從圍鄴力戰有功賜爵關內侯從討韓遂馬超大破之遷武騎中郎將文帝踐祚進封萬壽亭侯遷武

衛將軍都督中軍宿衛禁兵初褚所將爲虎士等從征伐太祖以爲皆壯士也同日拜爲將其後以功爲將軍封侯者數十都尉較尉者百人明帝卽位進封牟鄉侯邑七百戶褚兄定亦以軍功封爲振威將軍都督微道虎賁

典韋爲都尉每戰鬪嘗先陷陳遷爲較尉從征張繡創重瞋目大怒而死太祖退駐舞陰聞韋死爲流涕募間取其喪親自臨哭之遣歸葬襄邑車駕每過嘗祠以中牢

龐德少爲郡吏州從事漢末獻帝初平中從馬騰擊

反羗叛氏數有功稍遷至較尉建安中太祖討袁譚
尚於黎陽譚遣郭援高幹等畧取河東太祖使鍾繇
率關中諸將討之德隨騰子超拒援幹於平陽德爲
軍鋒進攻援幹大破之親斬援首拜中郎將封都亭
侯太祖定漢中素聞其驍勇拜立義將軍封關門亭
侯邑三百戶

裴潛爲交州刺史太祖次摩陂嘆其軍齊整特嘉賞
賜

衛臻爲侍中中護軍諸葛亮寇天水臻奏宜遣奇兵
入散關絕其糧道明帝乃以臻爲征蜀將軍假節督

諸軍事到長安亮退加光祿大夫

趙儼以議郎參曹仁軍事南行遣平寇將軍文帝黃
初三年賜爵關內侯吳大帝寇邊征東大將軍曹休
統五州軍禦之徵儼爲軍師吳衆退封宜土亭侯
孫禮明帝時爲揚州刺史伏波將軍賜爵關內侯吳
大將全琮帥數萬衆來侵寇時州兵休使在者無幾
禮躬勒衛兵禦之戰於芍陂奮不顧身賊衆乃退詔
書慰勞賜絹七百疋

辛毗爲侍中賜爵關內侯上軍大將軍曹真征朱然
于江陵毗行軍師還封廣平亭侯

楊阜為參軍事與馬超戰身被五創宗族昆弟死者
七人超遂南奔張魯隴右平定太祖封討超之功賜
阜爵關內侯

滿寵為奮威將軍屯當陽吳大帝數擾東陲復召寵
還為汝南太守賜爵關內侯關羽圍襄陽寵助征南
將軍曹仁屯樊城拒之寵力戰有功羽退進封安昌
亭侯文帝卽王位遷揚武將軍破吳於江陵有功更
拜伏波將軍屯新野大將南征到精湖寵帥諸軍在
前與賊隔水相對寵擊破之進封南鄉侯黃初三年
假寵節鉞五年拜前將軍明帝卽位進封邑侯太和

二年領豫州刺史四年拜寵征東將軍青龍三年寵
遣大史督二軍循江東下摧破吳諸屯而還詔美之
景初二年以寵年老徵還遷為太尉寵不治產業家
無餘財詔曰君典兵在外專心憂國公有行父祭遵
之風賜田十頃穀五百斛錢二十萬以明清忠儉約
之節焉寵前後增邑凡九千六百戶

田豫文帝時使持節獲烏丸較尉山賊高艾衆數千
人寇鈔為幽冀害豫誘使鮮卑素利部斬艾傳首京
都封豫長樂亭侯文帝太和末公孫淵以遼東叛帝
欲征之而難其中領軍楊暨舉豫應選乃使豫以

本官督青州諸軍假節徃討之後吳復來寇豫徃拒之賊卽退景初末增邑三百并前五百戶齊王正始初遷使持節護匈奴中郎將加鎮威將軍領并州刺史

牽招初爲太祖軍謀掾從討烏丸至柳城拜護烏丸較尉從漢中太祖還留招爲中護軍事罷還鄴拜平虜較尉將兵督青州徐州諸軍事擊東萊賊斬其渠率東土寧靜文帝踐祚拜招使持節護鮮卑較尉大軍征吳召招還至值軍罷拜右中郎將出爲鴈門太守明帝卽位賜爵關內侯

郭淮爲丞相兵曹議令史從征漢中太祖還留征西將軍夏侯淵拒蜀先主以淮爲淵司馬與蜀先主戰淮時有疾不出淵遇害軍中擾擾淮收散卒推盪寇將軍張郃爲主諸營乃定太祖善之假郃節復以淮爲司馬文帝卽王位賜爵關內侯轉鎮西長史行征羌護軍擢領雍州刺史封射陽亭侯黃初五年爲眞安定羌大帥太和二年蜀相諸葛亮出祁山遣將軍馬謖至街亭高詳屯列柳城張郃擊謖淮攻詳營皆破之又破隴右羌唐號於抱罕加建威將軍齊王正始初轉前將軍夏侯玄伐蜀淮督諸軍爲前鋒淮度

勢不利輒拔軍出故不敗還假淮節姜維之出石營從疆川乃西迎叛胡治無戴留陰平太守廖化於成重山築城淮乃別遣夏侯霸等追維於沓中淮自率諸軍就攻化等維果馳還救化皆如淮計進封鄉都侯嘉平元年遷征西將軍都督雍涼諸軍事是歲與雍州刺史陳泰協策降蜀牙門將荀安等於趨上二年詔曰昔漢川之役幾至傾覆淮臨危濟難功書王府在關右三十餘年外征寇虜內綏民夷比歲以來摧破廖化禽虜荀安功績顯著朕甚嘉之今以淮為車騎將軍儀同三司持節都督如故進討陽曲侯邑

凡二千七百八十戶

陳泰以齊王嘉平初代郭淮為雍州刺史加奮威將軍淮薨代為征西將軍假節都督雍涼諸軍事及吳大將孫峻出淮泗以泰為鎮軍將軍假節都督淮北諸軍事及諸葛誕作亂壽春司馬文王率六軍軍丘頭總置行臺泰前後以功增邑二千六百戶胡質為荊州刺史振威將軍賜爵關內侯吳大將軍朱然圍樊城質輕軍赴之遂勒兵臨圍城中乃安遷征東將軍假節都督青徐諸軍事嘉平二年薨家無餘財追進封陽陵亭侯邑百戶

王基爲荊州刺史揚烈將軍隨征南王昶擊吳虜安
北將軍譚正納降數千口賜爵關內侯高貴鄉公卽
位進封嘗樂亭侯毋丘儉文欽作亂以基爲行監軍
假節統許昌軍儉吏文欽將兵襲鄧艾基知其勢分
進兵偪項儉衆乃敗欽等已平遷鎮南將軍都督豫州
諸軍事領豫州刺史進封安樂鄉侯諸葛誕反基以
本官行鎮東都督揚州諸軍事進封東武侯是歲基
毋卒詔祕其凶問迓基父豹喪合塋雒陽甘露四年
轉爲征南將軍都督荊州諸軍事嘗道鄉公卽尊位
增邑千戶并前五千七百戶景元二年薨追贈司空

王淩文帝時爲兖州刺史與張遼等至廣陵討吳淩
與諸將逆擊捕斬首虜有功封宜城亭侯加建武將
軍齊王正始初爲征東將軍假節都督揚州諸軍事
二年吳大將全琮數萬衆寇芍陂率諸軍逆討與賊
爭塘力戰賊退進封南鄉侯邑千三百五十戶遷車
騎將軍儀同三司

毋丘興者儉之父也黃初中討賊張進及討叛胡有
功封高陽鄉侯毋丘儉爲荊州刺史明帝圖討遼東
以儉有幹策徙爲幽州刺史加度遼將軍使持節護
烏丸較尉率幽州諸軍公孫淵遂與儉戰不利引還明

年帝遣太尉司馬宣王統中軍及儉等衆數討淵定
遼東儉以功進封安邑侯邑三千九百戶齊王正始
中儉以高句驪數侵叛督諸軍步騎萬人出玄菟從
諸道討之斬獲首虜以千數遷左將軍假節監豫州
諸軍事領豫州刺史


諸葛誕爲鎮東大將軍都督揚州吳大將孫峻呂據
留贊等聞淮南亂會文欽往乃帥衆將欽徑至壽春
誕諸軍已至城不可攻乃走誕遣將軍蔣班追擊之
斬贊傳首收其印節進封高平侯邑三千五百戶
鄧艾爲南安太守齊王嘉平元年與征西將軍郭淮

拒蜀軍姜維屯白水維潛軍安來渡艾先至據城得
以不敗賜爵關內侯加討寇將軍高貴鄉公卽位進
封方城亭侯吳大將軍孫峻等號十萬衆將渡江艾
遣太山太守諸葛緒等於黎漿拒戰遂走之徵拜長
水較尉以破文欽等功進封方城鄉侯行安西將軍
解雍州刺史王經圍於狄道姜維退駐鍾提乃以艾
爲安西將軍假節領護東羌較尉與維戰於段谷大
破之高貴鄉公甘露元年詔曰逆賊姜維連年狡黠
民夷騷動西土不寧艾籌畫有方忠勇奮發斬將十
數馘首千計國威振於巴蜀武聲揚於江岷今以艾

爲征西將軍都督隴右諸軍事進封鄧侯分五百戶
封子忠爲亭侯二年拒姜維於長城維退還遷鎮西
將軍前後增邑凡六千六百戶陳留王景元三年征
蜀降之詔曰艾耀威奮武深入虜亭斬將搴旗梟其
鯨鯢僭號之主稽首係頸歷世逋誅一朝而平兵不
踰時戰不終日雲徹席卷盪定巴蜀雖白起破彊楚
韓信克勁趙吳漢禽于陽亞夫滅七國計功論美不
足比勲也其以艾爲太尉增邑三萬

鍾會爲鎮西將軍假節都督關中諸軍事陳留王景
元四年秋會移檄蜀將吏士民會與諸葛緒進攻劔
閣蜀軍保險拒守鄧艾遂至緜竹大戰斬諸葛瞻維
等聞瞻已破率其衆東入于巴會乃進軍至涪遣胡
烈田續龐會等追鋒艾進軍向成都蜀後主詣艾降
遣使勅維等令降於會十二月詔曰會所向摧弊使
前無強敵緘制衆城網羅逆逸蜀之豪帥面縛歸命
謀無廢功凡所降誅動以萬計全勝獨克有征無戰
拓平西夏方隅清晏其以會爲司徒進封縣侯增邑
萬戶

冊府元龜



丹府元龜

褒異二

卷之三十七

丹府元龜 褒異二 卷之三十七

